

經三士淨

總目錄

一、佛說阿彌陀經	鳩摩羅什譯	一
附：佛說阿彌陀經 稱讚淨土佛攝受經 對照	玄奘大師譯	一五
二、佛說無量壽經	康僧鎧譯	四七
三、佛說觀無量壽經	曇良耶舍譯	一三七

【附錄】

一、大勢至菩薩念佛圓通章	一八四
二、淨土宗成佛因果	一八六
三、《大經》三要文	一八八

四、第十八願（因願）與成就文（果力）對照表……………一八九

五、《大經》十要文……………一九〇

六、三經祖論摘要……………一九三

七、淨土宗祖師解釋本願……………二三〇

細目錄

一、佛說阿彌陀經……………一

附：佛說阿彌陀經 稱讚淨土佛攝受經 對照……………一五

【一、序分】……………一六

【二、正宗分】……………一八

 (一)讚極樂淨土……………一八

 1. 略讚……………一八

 2. 廣讚……………一八

 (1) 依報……………一八

 (2) 正報……………二七

 (二)勸念佛往生……………三〇

 1. 念佛往生……………三〇

(1) 發願	三〇
(2) 正因	三一
(3) 正果	三二
2. 證誠勸信	三三
(1) 自證	三三
(2) 他證	三三
(3) 勸信	四一
【三、流通分】	四六

二、佛說無量壽經 四七

【一、序分】	五〇
(一) 證信序	五〇
(二) 發起序	五六

【二、正宗分】	五八
(一) 如來淨土之因	五八
1. 發願	五八
(1) 發願之緣	五八
(2) 發心總願	六〇
(3) 選擇別願	六二
2. 修行	七三
(二) 如來淨土之果	七五
1. 略說	七五
2. 廣說	七七
(1) 佛身之光明	七七
(2) 佛身之壽命	七八
(3) 大眾之功德	七九

(4) 寶樹之莊嚴	八〇
(5) 道樹之靈德	八二
(6) 音樂之殊妙	八四
(7) 堂舍之偉觀	八四
(8) 寶池之奇德	八四
(9) 聖者之果報	八六
(三) 眾生往生之因	九一
1. 念佛往生	九一
(1) 得生之機類	九一
(2) 諸佛之讚歎	九一
(3) 往生之業因	九一
(4) 念佛之輩品	九二
2. 諸佛讚勸	九四
(四) 眾生往生之果	九七
1. 一生補處之德	九七
2. 供養諸佛之德	九八
3. 聞法供養之德	九九
4. 說法自在之德	一〇〇
5. 自利利他之德	一〇〇
(五) 釋尊之勸誡	一〇四
1. 大悲攝化	一〇四
(1) 總誡	一〇四
(2) 三毒之誡	一〇五
(3) 五惡之誡	一一三
2. 現土證誡	一二五
【三、流通分】	一三三

三、佛說觀無量壽經	一三七
【一、序分】	一四〇
(一) 證信序	一四〇
(二) 發起序	一四〇
1. 化前序	一四〇
2. 禁父緣	一四〇
3. 禁母緣	一四一
4. 厭苦緣	一四三
5. 欣淨緣	一四四
6. 散善顯行緣	一四五
7. 定善示觀緣	一四六
【二、正宗分】	一四八
(一) 定善觀	一四八
1. 日想觀	一四八
2. 水想觀	一四八
3. 地想觀	一四九
4. 寶樹觀	一五〇
5. 寶池觀	一五二
6. 寶樓觀	一五三
7. 華座觀	一五四
8. 像觀	一五七
9. 真身觀	一五九
10. 觀音觀	一六〇
11. 勢至觀	一六三
12. 普觀	一六五
13. 雜想觀	一六五

(二) 散善觀	一六七
1. 上輩觀	一六七
(1) 上品上生	一六七
(2) 上品中生	一六九
(3) 上品下生	一七一
2. 中輩觀	一七二
(1) 中品上生	一七二
(2) 中品中生	一七三
(3) 中品下生	一七四
3. 下輩觀	一七五
(1) 下品上生	一七五
(2) 下品中生	一七七
(3) 下品下生	一七八

【三、得益分】	一八〇
【四、流通分】	一八〇
【五、耆闍分】	一八二


附 錄

一、大勢至菩薩念佛圓通章	一八四
二、淨土宗成佛因果	一八六
三、《大經》三要文	一八八
四、第十八願（因願）與成就文（果力）對照表	一八九
五、《大經》十要文	一九〇
六、三經祖論摘要	一九三
《大經》摘要	一九三

《觀經》摘要	二〇三
《小經》摘要	二〇五
《易行品》摘要	二〇七
《往生論》摘要	二〇八
《往生論註》摘要	二〇九
《安樂集》摘要	二二三
善導大師法語(一)	二二三
善導大師法語(二)	二二九
法照大師十要偈	二二七
法然上人二要文	二二九
七、淨土宗祖師解釋本願	二三〇

佛說阿彌陀經

《佛說阿彌陀經》組織圖表



佛說阿彌陀經

姚秦三藏法師 鳩摩羅什 奉詔譯

【序分】

(一) 六成就之前五成就

如是我聞：

一時，佛在舍衛國祇樹給孤獨園。

(二) 六成就之第六成就

與大比丘僧千二百五十人俱，皆是大阿羅漢，眾所知識——長老舍利弗、摩訶目犍連、摩訶迦葉、摩訶迦旃延、摩訶俱絺羅、離婆多、周利槃陀伽、難陀、阿難陀、羅睺羅、憍梵波提、賓頭盧頗羅墮、迦留陀夷、摩訶劫賓那、薄拘羅、阿菟樓駄，如是等諸大弟子；並諸菩薩

摩訶薩——文殊師利法王子、阿逸多菩薩、乾陀訶提菩薩、常精進菩薩，與如是等諸大菩薩；及釋提桓因等無量諸天大眾俱。

【正宗分】

(一) 讀極樂淨土

1. 略讀

爾時佛告長老舍利弗：

從是西方，過十萬億佛土，有世界名曰極樂。其土有佛，號阿彌陀，今現在說法。

2. 廣讀

(1) 依報

① 極樂名義

舍利弗，彼土何故名為極樂？

其國眾生，無有眾苦，但受諸樂，故名極樂。

② 寶欄網樹

又舍利弗，極樂國土，七重欄楯^{ㄌㄢˊ ㄨㄣˋ}、七重羅網^{ㄌㄨㄛˊ ㄨㄛˋ}、七重行樹^{ㄒㄩㄥˊ ㄨㄛˋ}，皆是四寶周匝圍繞，是故彼國名為極樂。

③ 寶池德水

又舍利弗，極樂國土，有七寶池，八功德水充滿其中，池底純以金沙布地。四邊階道，金、銀、琉璃、玻璃^{ㄅㄛˊ ㄌㄧˊ}合成。上有樓閣，亦以金、銀、琉璃、玻璃、碑磬^{ㄅㄟ ㄑㄩㄥˋ}、赤珠、瑪瑙而嚴飾之。池中蓮華，大如車輪，青色青光，黃色黃光，赤色赤光，白色白光，微妙香潔。

舍利弗，極樂國土成就如是功德莊嚴。

④ 天樂金地

又舍利弗，彼佛國土，常作天樂，黃金為地，晝夜六時雨天曼陀羅華。

其土眾生，常以清旦，各以衣袂盛眾妙華，供養他方十萬億佛；即以食時，還到本國，飯食經行。

舍利弗，極樂國土成就如是功德莊嚴。

⑤ 鳥音說法

復次，舍利弗，彼國常有種種奇妙雜色之鳥：白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時出和雅音，其音演暢五根、五力、七菩提分、八聖道分如是等法。其土眾生聞是音已，皆悉念佛，念法，念僧。

舍利弗，汝勿謂此鳥實是罪報所生。所以者何？彼佛國土無三惡道。

舍利弗，其佛國土尚無惡道之名，何況有實！是諸眾鳥，皆是阿彌陀佛欲令法音宣流，變化所作。

舍利弗，彼佛國土，微風吹動諸寶行樹及寶羅網，出微妙音，譬如百千種樂同時俱作。聞是音者，自然皆生念佛、念法、念僧之心。

舍利弗，其佛國土成就如是功德莊嚴。

(2) 正報

① 彌陀名義

舍利弗，於汝意云何？彼佛何故號阿彌陀？

舍利弗，彼佛光明無量，照十方國無所障礙，是故號為阿彌陀。

又舍利弗，彼佛壽命及其人民，無量無邊阿僧祇劫，故名阿彌陀。

② 成佛時劫

舍利弗，阿彌陀佛成佛以來，於今十劫。

③ 弟子無量

又舍利弗，彼佛有無量無邊聲聞弟子，皆阿羅漢，非是算數之所能知；諸菩薩眾亦復如是。

舍利弗，彼佛國土成就如是功德莊嚴。

④ 生皆補處

又舍利弗，極樂國土眾生者，皆是阿鞞跋致^{अविद्या}，其中多有一生補處，其數甚多，非是算數所能知之，但可以無量無邊阿僧祇說。

(二) 勸念佛往生

1. 念佛往生

(1) 勸眾願生

舍利弗，眾生聞者，應當發願，願生彼國。所以者何？得與如是諸上善人俱會一處。

(2) 正 因

① 少善非因

舍利弗，不可以少善根福德因緣得生彼國。

② 念佛正因

舍利弗，若有善男子、善女人，聞說阿彌陀佛，執持名號，若一日，若二日，若三日，若四日，若五日，若六日，若七日，一心不亂；

(3) 正 果

① 臨終佛現

其人臨命終時，阿彌陀佛與諸聖眾現在其前；

② 命終往生

是人終時，心不顛倒，即得往生阿彌陀佛極樂國土。

2. 證誠勸信

(1) 目證

舍利弗，我見是利，故說此言。若有眾生聞是說者，應當發願，生彼國土。

(2) 他證

① 東方佛證

舍利弗，如我今者，讚歎阿彌陀佛不可思議功德之利，東方亦有阿閼鞞佛、須彌相佛、大須彌佛、須彌光佛、妙音佛，如是等恆河沙數諸佛，各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

② 南方佛證

舍利弗，南方世界有日月燈佛、名聞光佛、大燄肩佛、須彌燈佛、無量精進佛，如是等恆河沙數諸佛，各於其國出廣長舌相，遍覆三千大

千世界，說誠實言：「汝等眾生，當信是《稱讚不可思議功德一切諸佛所護念經》。」

③ 西方佛證

舍利弗，西方世界有無量壽佛、無量相佛、無量幢佛、大光佛、大明佛、寶相佛、淨光佛，如是等恆河沙數諸佛，各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

④ 北方佛證

舍利弗，北方世界有燄肩佛、最勝音佛、難沮佛、日生佛、網明佛，如是等恆河沙數諸佛，各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

⑤ 下方佛證

舍利弗，下方世界有師子佛、名聞佛、名光佛、達摩佛、法幢佛、持法佛，如是等恆河沙數諸佛，各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

⑥ 上方佛證

舍利弗，上方世界有梵音佛、宿王佛、香上佛、香光佛、大燄肩佛、雜色寶華嚴身佛、娑羅樹王佛、寶華德佛、見一切義佛、如須彌山佛，如是等恆河沙數諸佛，各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

(3) 勸信

① 釋經名勸信

舍利弗，於汝意云何？何故名為《一切諸佛所護念經》？

舍利弗，若有善男子、善女人，聞是經受持者，及聞諸佛名者，是諸善男子、善女人，皆為一切諸佛之所護念，皆得不退轉於阿耨多羅三藐三菩提。

是故舍利弗，汝等皆當信受我語及諸佛所說。

② 明發願益勸信

舍利弗，若有人已發願，今發願，當發願，欲生阿彌陀佛國者，是諸人等，皆得不退轉於阿耨多羅三藐三菩提，於彼國土若已生，若今生，若當生。

是故舍利弗，諸善男子、善女人，若有信者，應當發願，生彼國土。

③釋尊諸佛互讚 嘆難信難說

舍利弗，如我今者稱讚諸佛不可思議功德，彼諸佛等亦稱讚我不可思議功德，而作是言：「釋迦牟尼佛，能為甚難稀有之事，能於娑婆國土五濁惡世——劫濁、見濁、煩惱濁、眾生濁、命濁中，得阿耨多羅三藐三菩提，為諸眾生說是一切世間難信之法。」

舍利弗，當知我於五濁惡世行此難事，得阿耨多羅三藐三菩提，為一切世間說此難信之法，是為甚難！

【流通分】

佛說此經已，舍利弗及諸比丘，一切世間天、人、阿修羅等，聞佛所說，歡喜信受，作禮而去。

佛說阿彌陀經

佛說阿彌陀經

對照

稱讚淨土佛攝受經

佛說阿彌陀經

姚秦三藏法師 鳩摩羅什 奉詔譯

稱讚淨土佛攝受經

唐三藏法師 玄奘 奉詔譯

序分

【序分】

〔六成就〕

證信序

如是我聞：

聲聞眾

一時，佛在舍衛國祇樹給孤獨園。與大比丘僧千二百五十人俱，皆是大阿羅漢，眾所知識——長老舍利弗、摩訶目犍連、摩訶迦葉、摩訶迦旃延、摩訶俱絺羅、離婆多、周利槃陀伽、難陀、阿

如是我聞：

一時，薄伽梵在室羅筏，住誓多林給孤獨園，與大苾芻眾，千二百五十人俱，一切皆是尊宿聲聞，眾望所識大阿羅漢，其名曰：尊者舍利子、摩訶目犍連、摩訶迦葉、阿泥律陀，如是等諸大聲聞，而為上首；

菩薩眾

難陀、羅睺羅、憍梵波提、賓頭盧頗羅墮、迦留陀夷、摩訶劫賓那、薄拘羅、阿菟樓駄，如是等諸大弟子；

諸天

並諸菩薩摩訶薩——文殊師利法王子、阿逸多菩薩、乾陀訶提菩薩、常精進菩薩，與如是等諸大菩薩；

及釋提桓因等無量諸天大眾俱。

復與無量菩薩摩訶薩俱，一切皆住不退轉位，無量功德，眾所莊嚴，其名曰：妙吉祥菩薩、無能勝菩薩、常精進菩薩、不休息菩薩，如是等諸大菩薩，而為上首；

復有帝釋、大梵天王、堪忍界主、護世四王，如是上首百千俱胝那庾多數諸天子眾，及餘世間無量天人阿素洛等，為聞法故，俱來會坐。

正宗分
彌陀依正分

佛土現在

依報莊嚴

【正宗分】

(一) 讚極樂淨土

1. 略讀

爾時佛告長老舍利弗：
從是西方，過十萬億佛土，
有世界名曰極樂。其土有
佛，號阿彌陀，今現在說法。

2. 廣讀

(1) 依報

舍利弗，彼土何故名為極樂？

爾時世尊告舍利子：
汝今知不？於是西方，去此世界過
百千俱胝那由他多佛土，有佛世界名
曰極樂。其中世尊名無量壽，及無
量光，如來、應、正等覺，十號圓
滿，今現在彼，安穩住持，為諸有
情宣說甚深微妙之法，令得殊勝利
益安樂。

又舍利子，何因何緣彼佛世界名為
極樂？

一、極樂名義

其國眾生，無有眾苦，但受
諸樂，故名極樂。

舍利子，由彼界中諸有情類，無有
一切身心憂苦，唯有無量清淨喜
樂，是故名為極樂世界。

二、寶欄網樹

又舍利弗，極樂國土，七重
欄楯、七重羅網、七重行樹，
皆是四寶周匝圍繞，是故彼
國名為極樂。

又舍利子，極樂世界淨佛土中，處
處皆有七重行列妙寶欄楯、七重行
列寶多羅樹，及有七重妙寶羅網，
周匝圍繞，四寶莊嚴——金寶、銀
寶、吠琉璃寶、頗胝迦寶，妙飾間
綺。

舍利子，彼佛土中，有如是等眾妙
綺飾功德莊嚴，甚可愛樂，是故名
為極樂世界。

又舍利弗，極樂國土，有七寶池，八功德水充滿其中，

池底純以金沙布地。

四邊階道，金、銀、琉璃、玻璃合成。

又舍利子，極樂世界淨佛土中，處處皆有七妙寶池，八功德水彌滿其中。何等名為八功德水？一者澄淨；二者清冷；三者甘美；四者輕軟；五者潤澤；六者安和；七者飲時除飢渴等無量過患；八者飲已定能長養諸根四大，增益種種殊勝善根。多福眾生常樂受用。

是諸寶池，底布金沙。

四面周匝[᳚]，有四階道，四寶莊嚴，甚可愛樂。

樓閣

上有樓閣，亦以金、銀、琉璃、玻璃、[᳚]磝[᳚]、赤珠、瑪瑙而嚴飾之。

諸池周匝[᳚]，有妙寶樹，間飾行列，香氣芬馥[᳚]，七寶莊嚴，甚可愛樂。言七寶者：一金，二銀，三吠琉璃，四頗胝迦[᳚]，五赤真珠，六阿濕摩揭拉婆寶，七牟娑落揭拉婆寶。

蓮華

池中蓮華，大如車輪，青色青光，黃色黃光，赤色赤光，白色白光，微妙香潔。

是諸池中，常有種種雜色蓮華，量如車輪，青形青顯青光青影，黃形黃顯黃光黃影，赤形赤顯赤光赤影，白形白顯白光白影；四形四顯四光四影。

四、天樂

舍利弗，極樂國土成就如是功德莊嚴。

又舍利弗，彼佛國土，常作天樂，

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

又舍利子，極樂世界淨佛土中，自然常有無量無邊眾妙伎樂，音曲和雅，甚可愛樂。諸有情類聞斯妙音，諸惡煩惱悉皆消滅，無量善法漸次增長，速證無上正等菩提。

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

金地

黃金為地，

晝夜六時雨⁴天曼陀羅華。

又舍利子，極樂世界淨佛土中，周遍大地真金合成，其觸柔軟，香潔光明，無量無邊妙寶間飾。

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

又舍利子，極樂世界淨佛土中，晝夜六時常雨⁴種種上妙天華，光澤香潔，細軟雜色，雖令見者身心適悅，而不貪著，增長有情無量無數不可思議殊勝功德。彼有情類，晝夜六時常持供養無量壽佛。

雨華

五、鳥音說法

其土眾生，常以清旦，各以衣せ械せ盛せ眾せ妙華，供養他方十萬億佛；即以食時，還到本國，飯食經行。

舍利弗，極樂國土成就如是功德莊嚴。

復次，舍利弗，彼國常有種種奇妙雜色之鳥：白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時出和雅音，其音演暢五

每晨朝時，持此天華，於一食頃，飛至他方無量世界，供養百千俱胝諸佛，於諸佛所，各以百千俱胝樹華，持散供養；還至本處，遊天住等。

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

又舍利子，極樂世界淨佛土中，常有種種奇妙可愛雜色眾鳥，所謂：鵝、雁、鶯い鶯い、鴻、鶴、孔雀、鸚鵡、羯羅頻迦、命命鳥等。如是眾鳥，晝夜六時恆共集會，出和雅

根、五力、七菩提分、八聖道分如是等法。其土眾生聞是音已，皆悉念佛，念法，念僧。

舍利弗，汝勿謂此鳥實是罪報所生。所以者何？彼佛國土無三惡道。

舍利弗，其佛國土尚無惡道之名，何況有實！是諸眾鳥，皆是阿彌陀佛欲令法音宣流，變化所作。

聲；隨其類音，宣揚妙法，所謂：甚深念、住、正斷、神足、根、力、覺道支等，無量妙法。彼土眾生聞是聲已，各得念佛、念法、念僧無量功德熏修其身。

汝舍利子，於意云何？彼土眾鳥豈是傍生惡趣攝耶？勿作是見！所以者何？彼佛淨土無三惡道。

尚不聞有三惡趣名，何況有實罪業所招傍まが生眾鳥！當知皆是無量壽佛變化所作，令其宣暢無量法音，作諸有情利益安樂。

風樹說法

舍利弗，彼佛國土，微風吹動諸寶行樹及寶羅網，出微妙音，譬如百千種樂同時俱作。聞是音者，自然皆生念佛、念法、念僧之心。

舍利弗，其佛國土成就如是功德莊嚴。

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

又舍利子，極樂世界淨佛土中，常有妙風吹諸寶樹及寶羅網，出微妙音，譬如百千俱胝天樂同時俱作，出微妙聲，甚可愛玩。如是彼土，常有妙風吹眾寶樹及寶羅網，擊出種種微妙音聲，說種種法。彼土眾生聞是聲已，起佛法僧念、作意等無量功德。

舍利子，彼佛土中有如是等眾妙綺飾功德莊嚴，甚可愛樂，是故名為極樂世界。

又舍利子，極樂世界淨佛土中，有如是等無量無邊不可思議甚稀有事。假使經於百千俱胝那庾多劫，以其無量百千俱胝那庾多舌，一一舌上出無量聲，讚其功德，亦不能盡，是故名為極樂世界。

又舍利子，極樂世界淨佛土中，佛有何緣名無量壽？

正報莊嚴

(2) 正報

一、彌陀名義

舍利弗，於汝意云何？彼佛何故號阿彌陀？

舍利弗，彼佛光明無量，照十方國無所障礙，是故號為阿彌陀。

二、成佛時劫

又舍利弗，彼佛壽命及其人民，無量無邊阿僧祇劫，故名阿彌陀。

舍利弗，阿彌陀佛成佛以來，於今十劫。

舍利子，由彼如來及諸有情，壽命無量無數大劫，由是緣故，彼土如來名無量壽。

舍利子，無量壽佛證得阿耨多羅三藐三菩提以來，經十大劫。

舍利子，何緣彼佛名無量光？

舍利子，由彼如來恆放無量無邊妙光，遍照一切十方佛土，施作佛事，無有障礙，由是緣故，彼土如來名無量光。

舍利子，彼佛淨土成就如是功德莊嚴，甚可愛樂，是故名為極樂世界。

三、弟子無量

又舍利弗，彼佛有無量無邊聲聞弟子，皆阿羅漢，非是算數之所能知；

諸菩薩眾亦復如是。

舍利弗，彼佛國土成就如是功德莊嚴。

又舍利子，極樂世界淨佛土中，無量壽佛常有無量聲聞弟子，一切皆是大阿羅漢，具足種種微妙功德，其量無邊，不可稱數。

舍利子，彼佛淨土成就如是功德莊嚴，甚可愛樂，是故名為極樂世界。

又舍利子，極樂世界淨佛土中，無量壽佛常有無量菩薩弟子，一切皆是一生所繫，具足種種微妙功德。其量無邊，不可稱數，假使經於無數量劫，讚其功德，終不能盡。

舍利子，彼佛土中成就如是功德莊嚴，甚可愛樂，是故名為極樂世界。

四、生皆補處

又舍利弗，極樂國土眾生者，皆是阿鞞跋致，其中多有一生補處，其數甚多，非是算數所能知之，但可以無量無邊阿僧祇說。

眾生往生分

(二)勸念佛往生

1.念佛往生

(1)發願

一、勸眾願生

舍利弗，眾生聞者，應當發願，願生彼國。

又舍利子，若諸有情，生彼土者，皆不退轉，必不復墮諸險惡趣、邊地下賤、蔑戾車中；常遊諸佛清淨國土，殊勝行願念念增進，決定當證阿耨多羅三藐三菩提。

舍利子，彼佛土中成就如是功德莊嚴，甚可愛樂，是故名為極樂世界。

又舍利子，若諸有情，聞彼西方無量壽佛清淨佛土無量功德眾所莊嚴，皆應發願生彼佛土。

所以者何？得與如是諸上善人俱會一處。

(2)正因

舍利弗，不可以少善根福德因緣得生彼國。

二、少善非因

所以者何？若生彼土，得與如是無量功德眾所莊嚴諸大士等同一集會，受用如是無量功德眾所莊嚴清淨佛土大乘法樂，常無退轉，無量行願念念增進，速證無上正等菩提故。

舍利子，生彼佛土諸有情類，成就無量無邊功德；非少善根諸有情類，當得往生無量壽佛極樂世界清淨佛土。

三、念佛正因

舍利弗，若有善男子、善女人，聞說阿彌陀佛，執持名號，若一日，若二日，若三

又舍利子，若有淨信諸善男子或善女人，得聞如是無量壽佛無量無邊不可思議功德名號、極樂世界功德

四、臨終佛現

日，若四日，若五日，若六日，若七日，一心不亂：

(3) 正果

其人臨命終時，阿彌陀佛與諸聖眾現在其前；

五、命終往生

是人終時，心不顛倒，即得往生阿彌陀佛極樂國土。

莊嚴，聞已思惟，若一日夜，或二，或三，或四，或五，或六，或七，繫念不亂：

是善男子或善女人臨命終時，無量壽佛與其無量聲聞弟子、菩薩眾俱，前後圍繞，來住其前，慈悲加祐，令心不亂；

既捨命已，隨佛眾會，生無量壽極樂世界清淨佛土。

證誠勸信分

2. 證誠勸信

(1) 自證

釋專證誠

舍利弗，我見是利，故說此言。若有眾生聞是說者，應當發願，生彼國土。

又舍利子，我觀如是利益安樂大事因緣，說誠諦語。若有淨信諸善男子或善女人，得聞如是無量壽佛不可思議功德名號、極樂世界淨佛土者，一切皆應信受發願，如說修行，生彼佛土。

諸佛證誠

(2) 他證

東方諸佛證誠

舍利弗，如我今者，讚歎阿彌陀佛不可思議功德之利，東方亦有阿閼鞞佛、須彌相佛、大須彌佛、須彌光佛、妙音佛，如是等恆河沙數諸佛，

又舍利子，如我今者，稱揚讚歎無量壽佛無量無邊不可思議佛土功德，如是東方亦有現在不動如來、山幢如來、大山如來、山光如來、妙幢如來，如是等佛如殑伽沙，住

各於其國出廣長舌相，遍覆三千大千世界，說誠實言：

「汝等眾生，當信是《稱讚不可思議功德一切諸佛所護念經》。」

舍利弗，南方世界有日月燈佛、名聞光佛、大₅燄肩佛、須彌燈佛、無量精進佛，如是等恆河沙數諸佛，各於其國出廣長舌相，遍覆三千大千世界，說誠實言：

「汝等眾生，當信是《稱讚不可思議功德一切諸佛所護

在東方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

又舍利子，如是南方亦有現在日月光如來、名稱光如來、大光蘊如來、迷盧光如來、無邊精進如來，如是等佛如₂菟伽沙，住在南方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法

念經》。」

舍利弗，西方世界有無量壽佛、無量相佛、無量幢佛、大光佛、大明佛、寶相佛、淨光佛，如是等恆河沙數諸佛，各於其國出廣長舌相，遍覆三千大千世界，說誠實言：

「汝等眾生，當信是《稱讚不可思議功德一切諸佛所護念經》。」

門。」

又舍利子，如是西方亦有現在無量壽如來、無量蘊如來、無量光如來、無量幢如來、大自在如來、大光如來、光焰如來、大寶幢如來、放光如來，如是等佛如₂菟伽沙，住在西方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

北方諸佛
證誠

舍利弗，北方世界有燄肩佛、最勝音佛、難沮佛、日生佛、網明佛，如是等恆河沙數諸佛，各於其國出廣長舌相，遍覆三千大千世界，說誠實言：

「汝等眾生，當信是《稱讚不可思議功德一切諸佛所護念經》。」

舍利弗，下方世界有師子佛、名聞佛、名光佛、達摩佛、法幢佛、持法佛，如是等恆河沙數諸佛，各於其國

下方諸佛
證誠

又舍利子，如是北方亦有現在無量光嚴通達覺慧如來、無量天鼓震大妙音如來、大蘊如來、光網如來、娑羅帝王如來，如是等佛如菟伽沙，住在北方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

又舍利子，如是下方亦有現在示現一切妙法正理常放火王勝德光明如來、師子如來、名稱如來、譽光如來、正法如來、妙法如來、法幢

出廣長舌相，遍覆三千大千世界，說誠實言：

「汝等眾生，當信是《稱讚不可思議功德一切諸佛所護念經》。」

舍利弗，上方世界有梵音佛、宿王佛、香上佛、香光佛、大燄肩佛、雜色寶華嚴身佛、娑羅樹王佛、寶華德佛、見一切義佛、如須彌山佛，如是等恆河沙數諸佛，

上方諸佛
證誠

如來、功德友如來、功德號如來，如是等佛如菟伽沙，住在下方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

又舍利子，如是上方亦有現在梵音如來、宿王如來、香光如來、如紅蓮華勝德如來、示現一切義利如來，如是等佛如菟伽沙，住在上方自佛淨土，各各示現廣長舌相，遍覆三千大千世界，周匝圍繞，說誠

東南方
諸佛證誠

各於其國出廣長舌相，遍覆三千大千世界，說誠實言：「汝等眾生，當信是《稱讚不可思議功德一切諸佛所護念經》。」

諦言：

「汝等有情，皆應信受如是稱讚不可思議佛土功德一切諸佛攝受法門。」

又舍利子，如是東南方亦有現在最上廣大雲雷音王如來，如是等佛如琬伽沙，住東南方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

西南方
諸佛證誠

又舍利子，如是西南方亦有現在最上日光名稱功德如來，如是等佛如琬伽沙，住西南方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

西北方
諸佛證誠

又舍利子，如是西北方亦有現在無量功德火王光明如來，如是等佛如琬伽沙，住西北方自佛淨土，各各示現廣長舌相，遍覆三千大千世界，周匝圍繞，說誠諦言：

東北方
諸佛證誠

「汝等有情，皆應信受如是稱讚不可思議佛土功德一切諸佛攝受法門。」

又舍利子，如是東北方亦有現在無數百千俱胝廣慧如來，如是等佛如宛伽沙，住東北方自佛淨土，各各示現廣長舌相，遍覆三千大千世界，周匝圍繞，說誠諦言：

「汝等有情，皆應信受如是稱讚不可思議佛土功德一切諸佛攝受法門。」

勸信

一 釋經名
勸信

(3) 勸信

舍利弗，於汝意云何？何故名為《一切諸佛所護念經》？

又舍利子，何緣此經名為稱讚不可思議佛土功德一切諸佛攝受法門？

舍利子，由此經中，稱揚讚歎無量壽佛極樂世界不可思議佛土功德，及十方面諸佛世尊為欲方便利益安樂諸有情故，各住本土，現大神變，說誠諦言，勸諸有情信受此法。是故此經名為稱讚不可思議佛土功德一切諸佛攝受法門。

聞經利益

舍利弗，若有善男子、善女人，聞是經受持者，及聞諸佛名者，是諸善男子、善女

又舍利子，若善男子或善女人，或已得聞，或當得聞，或今得聞，聞是經已，深生信解；生信解已，必

二、明發願益
勸信

人，皆為一切諸佛之所護念，皆得不退轉於阿耨多羅三藐三菩提。

是故舍利弗，汝等皆當信受我語及諸佛所說。

舍利弗，若有人已發願，今發願，當發願，欲生阿彌陀佛國者，是諸人等，皆得不退轉於阿耨多羅三藐三菩提，於彼國土若已生，若今

為如是住十方面十菟伽沙諸佛世尊之所攝受；如說行者，一切定於阿耨多羅三藐三菩提得不退轉，一切定生無量壽佛極樂世界清淨佛土。

是故舍利子，汝等有情，一切皆應信受領解我及十方佛世尊語，當勤精進，如說修行，勿生疑慮。

又舍利子，若善男子或善女人，於無量壽極樂世界清淨佛土功德莊嚴，若已發願，若當發願，若今發願，必為如是住十方面十菟伽沙諸佛世尊之所攝受；如說行者，一切

生，若當生。

是故舍利弗，諸善男子、善女人，若有信者，應當發願，生彼國土。

舍利弗，如我今者稱讚諸佛不可思議功德，彼諸佛等亦稱讚我不可思議功德，而作是言：「釋迦牟尼佛，能為甚難稀有之事，

定於阿耨多羅三藐三菩提得不退轉，一切定生無量壽佛極樂世界清淨佛土。

是故舍利子，若有淨信諸善男子或善女人，一切皆應於無量壽極樂世界清淨佛土深信解，發願往生，勿行放逸。

又舍利子，如我今者，稱揚讚歎無量壽佛極樂世界不可思議佛土功德，彼十方面諸佛世尊亦稱讚我不可思議無邊功德，皆作是言：「甚奇稀有！釋迦寂靜，釋迦法王，如

三、釋尊諸佛
五讚

難信之法

難說之法

能於娑婆國土五濁惡世——劫濁、見濁、煩惱濁、眾生濁、命濁中，得阿耨多羅三藐三菩提，為諸眾生說是一切世間難信之法。」

舍利弗，當知我於五濁惡世行此難事，得阿耨多羅三藐三菩提，為一切世間說此難信之法，是為甚難！

來、應正等覺、明行圓滿、善逝、世間解、無上丈夫、調御士、天人師、佛、世尊，

乃能於是堪忍世界五濁惡時，所謂：劫濁、諸有情濁、諸煩惱濁、見濁、命濁，於中證得阿耨多羅三藐三菩提。為欲方便利益安樂諸有情故，說是世間極難信法。」

是故舍利子，當知我今於此雜染堪忍世界五濁惡時，證得阿耨多羅三藐三菩提，為欲方便利益安樂諸有情故，說是世間極難信法，甚為稀

有，不可思議！

又舍利子，於此雜染堪忍世界五濁惡時，若有淨信諸善男子或善女人，聞說如是一切世間極難信法，能生信解，受持演說，如教修行，當知是人甚為稀有，無量佛所曾種善根；是人命終，定生西方極樂世界，受用種種功德莊嚴清淨佛土大乘法樂，日夜六時親近供養無量壽佛，遊歷十方，供養諸佛，於諸佛所聞法授記，福慧資糧疾得圓滿，速證無上正等菩提。

流通分

【流通分】

佛說此經已，舍利弗及諸比丘，一切世間天、人、阿修羅等，聞佛所說，歡喜信受，作禮而去。


佛說阿彌陀經

時薄伽梵說是經已，尊者舍利子等諸大聲聞，及諸菩薩摩訶薩眾，無量天人阿素洛等，一切大眾，聞佛所說，皆大歡喜，信受奉行。



稱讚淨土佛攝受經

佛說無量壽經

《佛說無量壽經》組織圖表



二、正宗分（見下頁）



佛說無量壽經 卷上

曹魏天竺三藏 康僧鎧譯 譯

序分

【一、序分】

證信序

(一) 證信序

1. 六成就之前五成就

聞成就

我聞如是：一時，佛住王舍城耆闍崛山中。

時成就

2. 六成就之第六成就

主成就

處成就

(1) 聲聞眾

眾成就

與大比丘眾萬二千人俱，一切大聖，神通已達。其名曰：¹尊者了本際、²尊者正願、³尊者正語、⁴尊者大號、⁵尊者仁賢、⁶尊者離垢、⁷尊者名聞、⁸尊者善實、⁹尊者具足、¹⁰尊者牛王、¹¹尊者優樓頻螺迦

聲聞眾

葉、¹²尊者伽耶迦葉、¹³尊者那提迦葉、¹⁴尊者摩訶迦葉、¹⁵尊者舍利弗、¹⁶尊者大目犍連、¹⁷尊者劫賓那、¹⁸尊者大住、¹⁹尊者大淨志、²⁰尊者摩訶周那、²¹尊者滿願子、²²尊者離障、²³尊者流灌、²⁴尊者堅伏、²⁵尊者面王、²⁶尊者異乘、²⁷尊者仁性、²⁸尊者嘉樂、²⁹尊者善來、³⁰尊者羅云、³¹尊者阿難。

皆如斯等上首者也。

(2) 菩薩眾

菩薩眾

又與大乘眾菩薩俱：普賢菩薩、妙德菩薩、慈氏菩薩等，此賢劫中一切菩薩。

出家菩薩

在家菩薩

又賢護等十六正士：善思議菩薩、信慧菩薩、空無菩薩、神通華菩薩、光英菩薩、慧上菩薩、智幢菩薩、寂根菩薩、願慧菩薩、香象菩薩、寶英菩薩、中住菩薩、制行菩薩、解脫菩薩。

十六正士

- 總讚 皆遵普賢大士之德。
- 因門之讚 具諸菩薩無量行願，安住一切功德之法，遊步十方，行權方便，
- 果門之讚 入佛法藏，究竟彼岸；
- 八相成道 於無量世界，現成等覺。
- 一、處天相 處兜率天，弘宣正法。
- 二、下生相 捨彼天宮，降神母胎。
- 三、出生相 從右脇生，現行七步，光明顯耀，普照十方，無量佛土六種震動。舉聲自稱：「吾當於世，為無上尊。」釋梵奉侍，天人歸仰。
- 四、在家相 示現算計、文藝、射御，博綜道術，貫練群籍。遊於後園，講武試藝。現處宮中，色味之間。
- 五、出家相 見老病死，悟世非常。棄國財位，入山學道。服乘白馬、寶冠、瓔珞，遣之令還。捨珍妙衣，而著法服，剃除鬚髮，端坐樹下。勤苦六年，
- 行如所應。
- 六、成道相 現五濁剎，隨順群生，示有塵垢，沐浴金流。天按樹枝，得攀出池。靈禽翼從，往詣道場。吉祥感徵，表章功祚。哀受施草，敷佛樹下，跏趺而坐。奮大光明，使魔知之。魔率官屬，而來逼試。制以智力，皆令降伏。得微妙法，成最正覺。
- 七、轉法輪相 釋梵祈勸，請轉法輪。以佛遊步，佛吼而吼。
- 扣法鼓，吹法螺，執法劍，建法幢，震法雷，曜法電，澍法雨，演法施。常以法音，覺諸世間。光明普照無量佛土，一切世界六種震動。總攝魔界，動魔宮殿。眾魔惴怖，莫不歸伏。擗裂邪網，消滅諸見；散諸塵勞，壞諸欲塹。嚴護法城，開闡法門；洗濯垢污，顯明清白。光融佛法，宣流正化。入國分衛，獲諸豐膳。
- 貯功德，示福田。欲宣法，現欣笑。

以諸法藥，救療三苦。顯現道意無量功德。授菩薩記，成等正覺。

八、涅槃相

示現滅度，拯濟無極。消除諸漏，植眾德本。具足功德，微妙難量。

遊諸佛國

遊諸佛國，普現道教。其所修行，清淨無穢。

神德譬說

譬如幻師，現眾異像，為男為女，無所不變；本學明了，在意所為。此諸菩薩，亦復如是。學一切法，貫綜縷練；所住安諦，靡不感化；無數佛土，皆悉普現；未曾慢恣，愍傷眾生；如是之法，一切具足。

重列諸德

菩薩經典，究暢要妙。名稱普至，導御十方。無量諸佛，咸共護念。佛所住者，皆已得住；大聖所立，而皆已立。如來道化，各能宣布。為諸菩薩，而作大師。以甚深禪慧，開導眾生。通諸法性，達眾生相，明了諸國。

自利之讚

供養諸佛，化現其身，猶如電光。善學無畏之網，曉了幻化之法。壞裂魔網，解諸纏縛。

超越聲聞、緣覺之地，得空、無相、無願三昧。善立方便，顯示三乘。於此化終，而現滅度。亦無所作，亦無所有，不起不滅，得平等法。具足成就無量總持、百千三昧。諸根智慧，廣普寂定。深入菩薩法藏，得佛華嚴三昧，宣揚演說一切經典。住深定門，悉睹現在無量諸佛，一念之頃無不周遍。

利他之讚

濟諸劇難，諸閑不閑。分別顯示真實之際，得諸如來辯才之智。入眾言音，開化一切。超過世間諸所有法，心常諦住度世之道，於一切萬物而隨意自在。

為諸庶類，作不請之友；荷負群生，為之重擔。

受持如來甚深法藏，護佛種性，常使不絕。

興大悲，愍眾生，演慈辯，授法眼，杜三趣，開善門。

以不請之法，施諸黎庶。如純孝之子，愛敬父母。於諸眾生，視若自己。

一切善本，皆度彼岸。悉獲諸佛無量功德，智慧聖明不可思議。
如是之等菩薩大士，不可稱計，一時來會。

總結

發起序

(一) 發起序

爾時世尊，諸根悅豫，姿色清淨，光顏巍巍。

阿難請問

尊者阿難，承佛聖旨，即從座起，偏袒右肩，長跪合掌，而白佛言：

「今日世尊，諸根悅豫，姿色清淨，光顏巍巍，如明鏡淨，影暢表裏。
威容顯耀，超絕無量，未曾瞻睹殊妙如今。

唯然大聖，我心念言：

五德瑞現

一 今日世尊，住奇特之法；

二 今日世雄，住諸佛所住；

三 今日世眼，住導師之行；

四 今日世英，住最勝之道；

五 今日天尊，行如來之德。

佛佛相念

去、來、現在，佛佛相念，得無今佛念諸佛耶？何故威神光光乃爾？」

世尊反問

於是世尊告阿難曰：「云何阿難，諸天教汝來問佛耶？自以慧見問威顏乎？」

阿難白佛：「無有諸天來教我者，自以所見問斯義耳。」

佛言：「善哉阿難，所問甚快！發深智慧，真妙辯才，愍念眾生，問斯慧義。

出世本懷

如來以無盡大悲，矜哀三界，所以出興於世，光闡道教，欲拯濟群萌，惠以真實之利。

無量億劫，難值難見；猶靈瑞華，時時乃出。今所問者，多所饒益，開化一切諸天人民。

佛身勝相

阿難當知：如來正覺，其智難量，多所導御，慧見無礙，無能遏絕；以一餐之力，能住壽命億百千劫，無數無量，復過於此；諸根悅豫，不以毀損，姿色不變，光顏無異。所以者何？如來定慧究暢無極，於一切法而得自在。阿難諦聽，今為汝說。」

對曰：「唯然，願樂欲聞。」

正宗分

【二、正宗分】

彌陀分

(一) 如來淨土之因

法藏願行

1. 發願

(1) 發願之緣

過去佛

佛告阿難：「乃往過去久遠無量不可思議無央數劫，¹錠光如來興出於世，教化度脫無量眾生，皆令得道，乃取滅度。

五十三佛

次有如來名曰²光遠，次名³月光，次名⁴栴檀香，次名⁵善山王，次名⁶須彌天冠，次名⁷須彌等曜，次名⁸月色，次名⁹正念，次名¹⁰離垢，次名¹¹無著，次名¹²龍天，次名¹³夜光，次名¹⁴安明頂，次名¹⁵不動地，次名¹⁶琉璃妙華，次名¹⁷琉璃金色，次名¹⁸金藏，次名¹⁹炎光，次名²⁰炎根，次名²¹地種，次名²²月像，次名²³日音，次名²⁴解脫華，次名²⁵莊嚴光明，次名²⁶海覺神通，次名²⁷水光，次名²⁸大香，次名²⁹離塵垢，次名³⁰捨厭意，次名³¹寶炎，次名³²妙頂，次名³³勇立，次名³⁴功德持慧，次名³⁵蔽日月光，次名³⁶日月琉璃光，次名³⁷無上琉璃光，次名³⁸最上首，次名³⁹菩提華，次名⁴⁰月明，次名⁴¹日光，次名⁴²華色王，次名⁴³水月光，次名⁴⁴除癡冥，次名⁴⁵度蓋行，次名⁴⁶淨信，次名⁴⁷善宿，次名⁴⁸威神，次名⁴⁹法慧，次名⁵⁰鸞音，次名⁵¹師子音，次名⁵²龍音，次名⁵³處世：如此諸佛，皆悉已過。

所值師佛

爾時次有佛，名世自在王¹如來、²應供、³等正覺、⁴明行足、⁵善逝、⁶世間解、⁷無上士、⁸調御丈夫、⁹天人師、¹⁰佛、世尊。

(2)發心總願

法藏發心過程

時有國王，聞佛說法，心懷悅豫，尋發無上正真道意。棄國捐王，行作沙門，號曰法藏。高才勇哲，與世超異。詣世自在王如來所，稽首佛足，右繞三匝¹⁷，長跪合掌，以頌讚曰：

讚佛偈

光顏巍巍，威神無極，如是炎明，無與等者。
日月摩尼，珠光燄耀，皆悉隱蔽，猶如聚墨。
如來顏容，超世無倫。正覺大音，響流十方。
戒聞精進，三昧智慧，威德無侶，殊勝稀有。
深諦善念，諸佛法海，窮深盡奧，究其涯底。

法藏志願

無明欲怒，世尊永無。人雄師子，神德無量。
功勳廣大，智慧深妙，光明威相，震動大千。
願我作佛，齊聖法王，過度生死，靡不解脫。
布施調意，戒忍精進，如是三昧，智慧為上。
吾誓得佛，普行此願，一切恐懼，為作大安。
假令有佛，百千億萬，無量大聖，數如恆沙。
供養一切，斯等諸佛，不如求道，堅正不卻。
譬如恆沙，諸佛世界，復不可計，無數刹土。
光明悉照，遍此諸國，如是精進，威神難量。
令我作佛，國土第一，其眾奇妙，道場超絕。
國如泥洹¹⁸，而無等雙。我當愍哀，度脫一切。
十方來生，心悅清淨，已至我國，快樂安穩。

佛身

佛土聖眾

十方來生

請證 幸佛明信，是我真證，發願於彼，力精所欲。
 十方世尊，智慧無礙，常令此尊，知我心行。
 立誓 假使身止，諸苦毒中，我行精進，忍終不悔。」

(3) 選擇別願
 ① 選擇

選擇攝取 佛告阿難：「法藏比丘說此頌已，而白佛言：『唯然世尊，我發無上正
 請教 覺之心，願佛為我廣宣經法。我當修行，攝取佛國清淨莊嚴無量妙土。
 令我於世速成正覺，拔諸生死勤苦之本。』」

汝自當知 佛告阿難：「時世自在王佛語法藏比丘：『如所修行莊嚴佛土，汝自當
 知。』」

重請 比丘白佛：『斯義弘深，非我境界。唯願世尊，廣為敷演諸佛如來淨

土之行，我聞此已，當如說修行，成滿所願。』

師教 爾時，世自在王佛知其高明，志願深廣，即為法藏比丘而說經言：『譬
 如大海，一人斗量^の，經歷劫數，尚可窮底，得其妙寶。人有至心精進，
 求道不止，會當剋^つ果，何願不得？』

睹見諸土 於是世自在王佛，即為廣說二百一十億諸佛刹土，天人之善惡，國土
 之粗妙，應其心願，悉現與之。

超發勝願 時彼比丘聞佛所說嚴淨國土，皆悉睹見，超發無上殊勝之願。其心寂
 五劫思惟 靜，志無所著，一切世間無能及者。具足五劫，思惟攝取莊嚴佛國清
 淨之行。」

師佛壽命 阿難白佛：「彼佛國土，壽量幾何？」
 佛言：「其佛壽命，四十一劫。」

說願威儀

時法藏比丘，攝取二百一十億諸佛妙土清淨之行。如是修已，詣彼佛所，稽首禮足，遶佛三匝，合掌而住，白佛言：『世尊，我已攝取莊嚴佛土清淨之行。』

師佛勸說

佛告比丘：『汝今可說，宜知是時，發起悅可一切大眾。菩薩聞已，修行此法，緣致滿足無量大願。』

比丘白佛：『唯垂聽察！如我所願，當具說之：』

四十八願

② 別願

第一
無三惡趣願

1 設我得佛，國有地獄、餓鬼、畜生者，不取正覺。

第二
不更惡趣願

2 設我得佛，國中天人，壽終之後，復更三惡道者，不取正覺。

第三
悉皆金色願

3 設我得佛，國中天人，不悉真金色者，不取正覺。

第四
無有好醜願

4 設我得佛，國中天人，形色不同，有好醜者，不取正覺。

第五
宿命智通願

5 設我得佛，國中天人，不識宿命，下至知百千億那由他諸劫事者，不取正覺。

第六
天眼智通願

6 設我得佛，國中天人，不得天眼，下至見百千億那由他諸佛國者，不取正覺。

第七
天耳智通願

7 設我得佛，國中天人，不得天耳，下至聞百千億那由他諸佛所說不悉受持者，不取正覺。

第八
他心智通願

8 設我得佛，國中天人，不得見他心智，下至知百千億那由他諸佛國中眾生心念者，不取正覺。

第九
神足智通願

9 設我得佛，國中天人，不得神足，於一念頃，下至不能超過百千億那由他諸佛國者，不取正覺。

第十
漏盡智通願

10 設我得佛，國中天人，若起想念貪計身者，不取正覺。

第十一
必至滅度願

11 設我得佛，國中天人，不住定聚，必至滅度者，不取正覺。

第十二
光明無量願

12 設我得佛，光明有限量，下至不照百千億那由他諸佛國者，不取正覺。

第十三
壽命無量願

13 設我得佛，壽命有限量，下至百千億那由他劫者，不取正覺。

第十四
聲聞無數願

14 設我得佛，國中聲聞，有能計量，乃至三千大千世界眾生，悉成緣覺，於百千劫悉共計校，知其數者，不取正覺。

第十五
眷屬長壽願

15 設我得佛，國中天人，壽命無能限量。除其本願，修短自在。若不爾者，不取正覺。

第十六
不聞惡名願

16 設我得佛，國中天人，乃至聞有不善名者，不取正覺。

第十七
諸佛稱揚願

17 設我得佛，十方世界無量諸佛，不悉咨嗟稱我名者，不取正覺。

第十八
念佛往生願

18 設我得佛，十方眾生，至心信樂，欲生我國，乃至十念，若不生者，不取正覺；唯除五逆，誹謗正法。

第十九
臨終來迎願

19 設我得佛，十方眾生，發菩提心，修諸功德，至心發願，欲生我國，

臨壽終時，假令不與大眾圍繞現其人前者，不取正覺。

第二十
繫念果遂願

20 設我得佛，十方眾生，聞我名號，繫念我國，植諸德本，至心迴向，欲生我國，不果遂者，不取正覺。

第二十一
三十二相願

21 設我得佛，國中天人，不悉成滿三十二大人相者，不取正覺。

第二十二
一生補處願

22 設我得佛，他方佛土諸菩薩眾來生我國，究竟必至一生補處；除其本願自在所化，為眾生故被弘誓鑑，積累德本度脫一切，遊諸佛國修菩薩行，供養十方諸佛如來，開化恆沙無量眾生，使立無上正真之道。超出常倫諸地之行，現前修習普賢之德。若不爾者，不取正覺。

第二十三
供養諸佛願

23 設我得佛，國中菩薩，承佛神力供養諸佛，一食之頃，不能遍至無數無量億那由他諸佛國者，不取正覺。

第二十四
供具如意願

24 設我得佛，國中菩薩，在諸佛前現其德本，諸所求欲供養之具若不如意者，不取正覺。

第二十五
說法如佛願

25 設我得佛，國中菩薩不能演說一切智者，不取正覺。

第二十六
得那羅延願

26 設我得佛，國中菩薩不得金剛那羅延身者，不取正覺。

第二十七
萬物嚴淨願

27 設我得佛，國中天人、一切萬物，嚴淨光麗，形色殊特，窮微極妙，無能稱量。其諸眾生，乃至速得天眼，有能明了辨其名數者，不取正覺。

第二十八
見道場樹願

28 設我得佛，國中菩薩，乃至少功德者，不能知見其道場樹無量光色、高四百萬里者，不取正覺。

第二十九
得辯才智願

29 設我得佛，國中菩薩，若受讀經法，諷誦，持說，而不得辯才智者，不取正覺。

第三十
智慧無窮願

30 設我得佛，國中菩薩智慧辯才若可限量者，不取正覺。

第三十一
國土清淨願

31 設我得佛，國土清淨，皆悉照見十方一切無量無數不可思議諸佛世界，猶如明鏡睹其面像。若不爾者，不取正覺。

第三十二
寶香合成願

32 設我得佛，自地以上，至於虛空，宮殿、樓觀、池流、華樹，國土所有一切萬物，皆以無量雜寶、百千種香而共合成，嚴飾奇妙，超諸天人。其香普熏十方世界，菩薩聞者皆修佛行。若不爾者，不取正覺。

第三十三
觸光柔軟願

33 設我得佛，十方無量不可思議諸佛世界眾生之類，蒙我光明觸其身者，身心柔軟，超過天人。若不爾者，不取正覺。

第三十四
聞名得忍願

34 設我得佛，十方無量不可思議諸佛世界眾生之類，聞我名字，不得菩薩無生法忍、諸深總持者，不取正覺。

第三十五
女人成佛願

35 設我得佛，十方無量不可思議諸佛世界，其有女人聞我名字，歡喜信樂，發菩提心，厭惡女身，壽終之後復為女像者，不取正覺。

第三十六
常修梵行願

36 設我得佛，十方無量不可思議諸佛世界諸菩薩眾，聞我名字，壽終之後常修梵行，至成佛道。若不爾者，不取正覺。

第三十七
人天致敬願

37 設我得佛，十方無量不可思議諸佛世界諸天人民，聞我名字，五體投地，稽首作禮，歡喜信樂，修菩薩行，諸天世人莫不致敬。若不爾者，不取正覺。

第三十八
衣服隨念願

38 設我得佛，國中天人，欲得衣服，隨念即至，如佛所讚應法妙服自然在身，有求裁縫、擣染、浣濯者，不取正覺。

第三十九
受樂無染願

39 設我得佛，國中天人所受快樂不如漏盡比丘者，不取正覺。

第四十
照見諸土願

40 設我得佛，國中菩薩，隨意欲見十方無量嚴淨佛土，應時如願，於寶樹中皆悉照見，猶如明鏡睹其面像。若不爾者，不取正覺。

第四十一
具足諸根願

41 設我得佛，他方國土諸菩薩眾，聞我名字，至於得佛，諸根缺陋不具足者，不取正覺。

第四十二
住定供養願

42 設我得佛，他方國土諸菩薩眾，聞我名字，皆悉速得清淨解脫三昧。住是三昧，一發意頃，供養無量不可思議諸佛世尊，而不失定意。若不爾者，不取正覺。

第四十三
生尊貴家願

43 設我得佛，他方國土諸菩薩眾，聞我名字，壽終之後生尊貴家。若不爾者，不取正覺。

第四十四
具足德本願

44 設我得佛，他方國土諸菩薩眾，聞我名字，歡喜踴躍，修菩薩行，具足德本。若不爾者，不取正覺。

第四十五
住定見佛願

45 設我得佛，他方國土諸菩薩眾，聞我名字，皆悉速得普等三昧。住是三昧，至於成佛，常見無量不可思議一切諸佛。若不爾者，不取正覺。

第四十六
隨意聞法願

46 設我得佛，國中菩薩，隨其志願，所欲聞法，自然得聞。若不爾者，不取正覺。

第四十七
得不退轉願

47 設我得佛，他方國土諸菩薩眾，聞我名字，不即得至不退轉者，不取正覺。

第四十八
得三法忍願

48 設我得佛，他方國土諸菩薩眾，聞我名字，不即得至第一忍，第二、第三法忍，於諸佛法不能即得不退轉者，不取正覺。』」

重誓偈

③ 重誓

生起

佛告阿難：「爾時法藏比丘說此願已，以偈頌曰：

三誓

1 我建超世願，必至無上道，斯願不滿足，誓不成等覺。

2 我於無量劫，不為大施主，普濟諸貧苦，誓不成等覺。

3 我至成佛道，名聲超十方，究竟有不聞，誓不成等覺。

果德

離欲深正念，淨慧修梵行，志求無上尊，為諸天人師。

神力演大光，普照無際土，消除三垢冥，明濟眾厄難。

開彼智慧眼，滅此昏盲闇，閉塞諸惡道，通達善趣門。

功祚成滿足，威曜朗十方，日月戢重暉，天光隱不現。

為眾開法藏，廣施功德寶，常於大眾中，說法師子吼。

供養一切佛，具足眾德本，願慧悉成滿，得為三界雄。

如佛無礙智，通達靡不照，願我功德力，等此最勝尊。

請求現瑞

斯願若剋果，大千應感動，虛空諸天神，當雨珍妙華。」

現瑞證誠

佛語阿難：「法藏比丘說此頌已，應時普地六種震動，天雨妙華以散其上，自然音樂空中讚言：『決定必成，無上正覺！』」

於是法藏比丘具足修滿如是大願，誠諦不虛，超出世間，深樂寂滅。

2. 修行

勝行段

(1) 勝行

總述

阿難，法藏比丘於其佛所，諸天、魔、梵、龍神八部大眾之中，發斯弘誓，建此願已，一向專志莊嚴妙土。所修佛國，開廓廣大，超勝獨妙，建立常然，無衰無變。

兆載修行

於不可思議兆載永劫，積植菩薩無量德行。

意業之行

不生欲覺、瞋覺、害覺，不起欲想、瞋想、害想，不著色、聲、香、味、觸、法。忍力成就，不計眾苦。少欲知足，無染恚癡。三昧常寂，智慧無礙。無有虛偽諂曲之心。

和顏愛語，先意承問。勇猛精進，志願無倦。專求清白之法，以惠利群生。

身業之行

恭敬三寶，奉事師長。以大莊嚴具足眾行，令諸眾生功德成就。

口業之行

住空、無相、無願之法，無作，無起，觀法如化。

遠離粗言自害害彼、彼此俱害，
修習善語自利利人、人我兼利。

自行化他

棄國捐王，絕去財色。自行六波羅蜜，教人令行。無央數劫，積功累德。

勝果段

(2) 勝果

總述

隨其生處，在意所欲，無量寶藏自然發應。教化安立無數眾生，住於無上正真之道。

勝生

或為長者、居士、豪姓、尊貴，或為剎利國君、轉輪聖帝，或為六欲

天主乃至梵王，常以四事供養恭敬一切諸佛；如是功德，不可稱說。

勝身

口氣香潔，如優鉢羅華²²；身諸毛孔出栴檀香，其香普熏無量世界；容色端正，相好殊妙；其手常出無盡之寶，衣服、飲食、珍妙華香、繒蓋、幢幡、莊嚴之具；如是等事，超諸天人，於一切法，而得自在。」

(二) 如來淨土之果

1. 略說

彌陀成佛相

阿難白佛：「法藏菩薩為已成佛而取滅度，為未成佛，為今現在？」

彌陀成佛

佛告阿難：「法藏菩薩今已成佛，現在西方，去此十萬億刹。

成道時處

其佛世界，名曰安樂。」

阿難又問：「其佛成道以來，為經幾時？」

成道久近

佛言：「成佛以來，凡歷十劫。」

佛土勝相
第三十一願
成就

其佛國土，自然七寶——金、銀、琉璃、珊瑚、琥珀、硨磲、瑪瑙，合
成為地，恢廓曠蕩，不可限極。悉相雜廁，轉相間入，光赫燦爛，微妙
奇麗，清淨莊嚴，超踰十方一切世界，眾寶中精，其寶猶如第六天寶。
又其國土，無須彌山及金剛圍、一切諸山，亦無大海、小海、溪渠、
井谷；佛神力故，欲見則見。亦無地獄、餓鬼、畜生諸難之趣。亦無
四時春夏秋冬夏，不寒不熱，常和調適。」

第一願成就

諸天所依

爾時阿難白佛言：「世尊，若彼國土無須彌山，其四天王及忉利天依
何而住？」

佛語阿難：「第三炎天乃至色究竟天，皆依何住？」

阿難白佛：「行業果報不可思議。」

佛語阿難：「行業果報不可思議，諸佛世界亦不可思議。其諸眾生功

德善力，住行業之地，故能爾耳。」

阿難白佛：「我不疑此法，但為將來眾生，欲除其疑惑，故問斯義。」

攝法身

2. 廣說

光明體德

(1) 佛身之光明

第十二願成就
光明無量

佛告阿難：「無量壽佛，威神光明最尊第一，諸佛光明所不能及。

或照百佛世界，或千佛世界，取要言之，乃照東方恆沙佛剎；南西北
方四維上下亦復如是。或有佛光照於七尺，或一由旬、二三四五由旬，
如是轉倍，乃至照一佛剎。

十二光佛名

是故無量壽佛，號¹無量光佛、²無邊光佛、³無礙光佛、⁴無對光佛、
⁵炎王光佛、⁶清淨光佛、⁷歡喜光佛、⁸智慧光佛、⁹不斷光佛、¹⁰難
思光佛、¹¹無稱光佛、¹²超日月光佛。

光明用德
第三十三願
成就

其有眾生遇斯光者，三垢消滅，身意柔軟，歡喜踴躍，善心生焉。若在三塗極苦之處，見此光明，皆得休息，無復苦惱。壽終之後，皆蒙解脫。

諸聖讚歎
之德

無量壽佛，光明顯赫，照耀十方，諸佛國土莫不聞焉。不但我今稱其光明，一切諸佛、聲聞、緣覺、諸菩薩眾咸共歎譽，亦復如是。

若有眾生，聞其光明威神功德，日夜稱說，至心不斷，隨意所願，得生其國。為諸菩薩、聲聞之眾所共歎譽，稱其功德。至其最後得佛道時，普為十方諸佛菩薩歎其光明，亦如今也。」

第十二願
成就

佛言：「我說無量壽佛，光明威神巍巍殊妙，晝夜一劫尚未能盡。」

(2) 佛身之壽命

第十三願
成就

佛語阿難：「又，無量壽佛壽命長久，不可稱計，汝寧知乎？假使十

壽命無量

方世界無量眾生皆得人身，悉令成就聲聞、緣覺，都共集會，禪思一心，竭其智力，於百千萬劫悉共推算，計其壽命長遠之數，不能窮盡，知其限極。

(3) 大眾之功德

第十五願
眷屬長壽
聖眾無量
第二十四、
二十六願
成就

聲聞、菩薩、天人之眾，壽命長短亦復如是，非算數譬喻所能知也。又，聲聞、菩薩，其數難量，不可稱說；神智洞達，威力自在，能於掌中持一切世界。」

第十四願
成就

佛語阿難：「彼佛初會聲聞眾數不可稱計，菩薩亦然。如大目犍連百千萬億無量無數，於阿僧祇那由他劫，乃至滅度，悉共計校，不能究了多少之數。譬如大海，深廣無量。假使有人，析其一毛以為百分，以一分毛沾取一滴，於意云何？其所滴者，於彼大海，何所為多？」

阿難白佛：「彼所滴水，比於大海多少之量，非巧曆算數、言辭譬類所能知也。」

佛語阿難：「如目連等，於百千萬億那由他劫，計彼初會聲聞、菩薩，所知數者猶如一滴，其所不知如大海水。」

(4) 寶樹之莊嚴

又其國土，七寶諸樹周滿世界。金樹、銀樹、琉璃樹、玻璃樹、珊瑚樹、瑪瑙樹、摩訶碑磔樹。

或有二寶、三寶，乃至七寶，轉共合成。

或有金樹，銀葉華果。或有銀樹，金葉華果。

或琉璃樹，玻璃為葉，華果亦然。

或水精樹，琉璃為葉，華果亦然。

或珊瑚樹，瑪瑙為葉，華果亦然。

或瑪瑙樹，琉璃為葉，華果亦然。

或摩訶碑磔樹，眾寶為葉，華果亦然。

或有寶樹，紫金為本，白銀為莖，琉璃為枝，水精為條，珊瑚為葉，瑪瑙為華，碑磔為實。

或有寶樹，白銀為本，琉璃為莖，水精為枝，珊瑚為條，瑪瑙為葉，碑磔為華，紫金為實。

或有寶樹，琉璃為本，水精為莖，珊瑚為枝，瑪瑙為條，碑磔為葉，紫金為華，白銀為實。

或有寶樹，水精為本，珊瑚為莖，瑪瑙為枝，碑磔為條，紫金為葉，白銀為華，琉璃為實。

或有寶樹，珊瑚為本，瑪瑙為莖，碑磔為枝，紫金為條，白銀為葉，

攝淨土
寶樹莊嚴
第三十二願
成就

琉璃為華，水精為實。

或有寶樹，瑪瑙為本，碑磔為莖，紫金為枝，白銀為條，琉璃為葉，水精為華，珊瑚為實。

或有寶樹，碑磔為本，紫金為莖，白銀為枝，琉璃為條，水精為葉，珊瑚為華，瑪瑙為實。

行行相值，莖莖相望；枝枝相準，葉葉相向；華華相順，實實相當。

榮色光曜，不可勝視。清風時發，出五音聲，微妙宮商，自然相和。

道場樹

(5) 道樹之靈德

第二十八願
成就

又，無量壽佛，其道場樹高四百萬里，其本周圍五千由旬，枝葉四布二十萬里，一切眾寶自然合成，以月光摩尼持海輪寶——眾寶之王而莊嚴之。周匝條間，垂寶瓔珞，百千萬色，種種異變，無量光炎，照

曜無極，珍妙寶網，羅覆其上。一切莊嚴，隨應而現。

微風徐動，吹諸寶樹，演出無量妙法音聲。其聲流布，遍諸佛國。

第四十七願
成就

聞其音者，得深法忍，住不退轉，至成佛道，耳根清徹，不遭苦患。

第四十一願
成就

目睹其色，鼻知其香，口嚐其味，身觸其光，心以法緣，皆得甚深法忍，住不退轉，至成佛道，六根清徹，無諸惱患。

第四十八願
成就
三法忍

阿難，若彼國土天人，見此樹者，得三法忍：

- 一者音響忍；
- 二者柔順忍；
- 三者無生法忍。

六故

此皆無量壽佛威神力故，本願力故，滿足願故，明了願故，堅固願故，究竟願故。一

(6) 音樂之殊妙

音樂莊嚴

佛告阿難：「世間帝王，有百千音樂。自轉輪聖王乃至第六天上，伎樂音聲展轉相勝千億萬倍。第六天上萬種樂音，不如無量壽國諸七寶樹一種音聲千億倍也。

亦有自然萬種伎樂。又其樂聲，無非法音，清暢哀亮，微妙和雅，十方世界音聲之中最為第一。

寶樓莊嚴

(7) 堂舍之儼觀

第三十二願成就

其講堂、精舍、宮殿、樓觀，皆七寶莊嚴，自然化成。復以真珠、明月摩尼眾寶以為交絡，覆蓋其上。

(8) 寶池之奇德

寶池莊嚴

內外左右，有諸浴池，或十由旬，或二十、三十，乃至百千由旬，縱廣深淺，皆各一等。八功德水，湛然盈滿，清淨香潔，味如甘露。

黃金池者，底白銀沙。白銀池者，底黃金沙。水精池者，底琉璃沙。琉璃池者，底水精沙。珊瑚池者，底琥珀沙。琥珀池者，底珊瑚沙。碑磔池者，底瑪瑙沙。瑪瑙池者，底碑磔沙。白玉池者，底紫金沙。紫金池者，底白玉沙。或有二寶、三寶，乃至七寶，轉共合成。

其池岸上，有栴檀樹，華葉垂布，香氣普熏。天優鉢羅華、鉢曇摩華、拘牟頭華、芬陀利華，雜色光茂，彌覆水上。

水之不思議

彼諸菩薩及聲聞眾，若入寶池，意欲令水沒足，水即沒足；欲令至膝，即至於膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖，自然隨意，開神悅體，蕩除心垢。清明澄潔，淨若無形，寶沙映徹，無深不照。微瀾迴流，轉相灌注，安詳徐逝，不遲不疾。

水作佛事
第四十六願
成就

波揚無量自然妙聲，隨其所應，莫不聞者。或聞佛聲，或聞法聲，或聞僧聲；或寂靜聲、空無我聲、大慈悲聲、波羅蜜聲；或十力、無畏、不共法聲，諸通慧聲、無所作聲、不起滅聲、無生忍聲，乃至甘露灌頂眾妙法聲；如是等聲，稱其所聞，歡喜無量。隨順清淨、離欲、寂滅、真實之義，隨順三寶、力、無所畏、不共之法，隨順通慧菩薩、聲聞所行之道。無有三塗苦難之名，但有自然快樂之音，是故其國名曰安樂。

第十六願
成就

(9) 聖者之果報

依正雙歎
第二十七、
三十八願、
成就
飯食自然

阿難，彼佛國土諸往生者，具足如是清淨色身、諸妙音聲、神通功德。所處宮殿、衣服、飲食、眾妙華香、莊嚴之具，猶第六天自然之物。若欲食時，七寶鉢器自然在前；金、銀、琉璃、磚磈、瑪瑙、珊瑚、

琥珀、明月、真珠，如是諸鉢，隨意而至。百味飲食，自然盈滿。雖有此食，實無食者，但見色聞香，意以為食，自然飽足。身心柔軟，無所味著。事已化去，時至復現。

聖眾果德
第十一願
成就

彼佛國土，清淨安穩，微妙快樂，次於無為泥洹之道。

正報殊勝
第三、四願
成就

其諸聲聞、菩薩、天人，智慧高明，神通洞達，咸同一類，形無異狀；但因順餘方，故有天人之名。顏貌端正，超世稀有，容色微妙，非天非人，皆受自然虛無之身、無極之體。」

譬說

佛告阿難：「譬如世間貧窮乞人在帝王邊，形貌容狀寧可類乎？」

阿難白佛：「假令此人在帝王邊，羸陋醜惡，無以為喻，百千萬億不可計倍。」

所以然者，貧窮乞人，底極斯下，衣不蔽形，食趣支命，飢寒困苦，

人理殆盡。皆坐前世不植德本，積財不施，富有益慳，但欲唐得，貪求無厭，不信修善，犯惡山積。如是壽終，財寶消散，苦身聚積，為之憂惱，於己無益，徒為他有。無善可怙，無德可恃，是故死墮惡趣，受此長苦。罪畢得出，生為下賤，愚鄙斯極，示同人類。

所以世間帝王人中獨尊，皆由宿世積德所致。慈惠博施，仁愛兼濟，履信修善，無所違爭。是以壽終福應，得昇善道，上生天上，享茲福樂。積善餘慶，今得為人，乃生王家，自然尊貴；儀容端正，眾所敬事，妙衣珍膳，隨心服御；宿福所迫，故能致此。」

佛告阿難：「汝言是也！計如帝王，雖人中尊貴，形色端正，比之轉輪聖王，甚為鄙陋，猶彼乞人在帝王邊也；轉輪聖王威相殊妙，天下第一，比之忉利天王，又復醜惡，不得相喻萬億倍也；假令天帝比第六天王，百千萬億倍不相類也；設第六天王，比無量壽佛國菩薩、聲聞，

光顏容色不相及逮，百千萬億不可計倍。」

依報莊嚴
第二十七願
成就

佛告阿難：「無量壽國，其諸天人衣服飲食、華香瓔珞、繒蓋幢幡、微妙音聲，所居舍宅、宮殿樓閣，稱其形色，高下大小。或一寶二寶，乃至無量眾寶，隨意所欲，應念即至。又以眾寶妙衣遍布其地，一切天人踐之而行。

第三十八願
成就

虛空莊嚴

無量寶網彌覆佛土，皆以金縷真珠、百千雜寶、奇妙珍異莊嚴校飾。周匝四面，垂以寶鈴，光色晃曜，盡極嚴麗。

自然德風，徐起微動，其風調和，不寒不暑，溫涼柔軟，不遲不疾。吹諸羅網及眾寶樹，演發無量微妙法音，流布萬種溫雅德香。其有聞者，塵勞垢習自然不起。風觸其身，皆得快樂，譬如比丘得滅盡三昧。

第三十九願
成就

第三十二願
成就

又，風吹散華，遍滿佛土，隨色次第，而不雜亂，柔軟光澤，馨香芬烈。足履其上，踏下四寸；隨舉足已，還復如故。華用已訖，地輒開裂，以次化沒，清淨無遺。隨其時節，風吹散華，如是六反。

華光出佛

又，眾寶蓮華，周滿世界。一一寶華，百千億葉。其華光明，無量種色，青色青光，白色白光，玄黃朱紫，光色赫然，煒燁煥爛，明曜日月。一一華中，出三十六百千億光；一一光中，出三十六百千億佛，身色紫金，相好殊特；一一諸佛，又放百千光明，普為十方說微妙法。如是諸佛，各各安立無量眾生於佛正道。」

佛說無量壽經 卷上終

佛說無量壽經 卷下

曹魏天竺三藏 康僧鎧 譯

(三) 眾生往生之因

1. 念佛往生

攝眾生

(1) 得生之機類

第十一願
成就

佛告阿難：「其有眾生生彼國者，皆悉住於正定之聚。所以者何？彼佛國中，無諸邪聚及不定聚。」

(2) 諸佛之讚歎

第十七願
成就

十方恆沙諸佛如來，皆共讚歎無量壽佛，威神功德不可思議。

(3) 往生之業因

第十八願
成就

諸有眾生，聞其名號，信心歡喜，乃至一念，至心迴向，願生彼國，即得往生，住不退轉；唯除五逆，誹謗正法。」

(4) 念佛之輩品

① 總說

佛告阿難：「十方世界諸天人民，其有至心願生彼國，凡有三輩。

② 上輩往生者

其上輩者，捨家棄欲而作沙門，發菩提心，一向專念無量壽佛；修諸功德，願生彼國。

此等眾生臨壽終時，無量壽佛與諸大眾現其人前，即隨彼佛往生其國，便於七寶華中自然化生，住不退轉，智慧勇猛，神通自在。

是故阿難，其有眾生欲於今世見無量壽佛，應發無上菩提之心，修行功德，願生彼國。」

③ 中輩往生者

佛告阿難：「其中輩者，十方世界諸天人民，其有至心願生彼國。

雖不能行作沙門、大修功德，當發無上菩提之心，一向專念無量壽佛；多少修善，奉持齋戒，起立塔像，飯食沙門，懸懸繒繒燃燃燈，散華燒香；以此迴向，願生彼國。

其人臨終，無量壽佛化現其身，光明相好具如真佛，與諸大眾現其人前，即隨化佛往生其國，住不退轉。功德智慧次如上輩者也。」

④ 下輩往生者

佛告阿難：「其下輩者，十方世界諸天人民，其有至心欲生彼國。

假使不能作諸功德，當發無上菩提之心，一向專意，乃至十念念無量壽佛，願生其國；若聞深法，歡喜信樂，不生疑惑，乃至一念念於彼佛，以至誠心，願生其國。

此人臨終，夢見彼佛，亦得往生。功德智慧次如中輩者也。」

2. 諸佛讚勸

(1) 長行

第十七願
成就

佛告阿難：「無量壽佛威神無極，十方世界無量無邊不可思議諸佛如來，莫不稱歎。

於彼東方恆沙佛國，無量無數諸菩薩眾，皆悉往詣無量壽佛所，恭敬供養，及諸菩薩、聲聞之眾；聽受經法，宣布道化。

南西北方四維上下亦復如是。」

(2) 偈頌

往觀偈

爾時世尊而說頌曰：「

菩薩往觀

¹東方諸佛國，其數如恆沙，彼土菩薩眾，往觀¹無量覺。

²南西北四維，上下亦復然，彼土菩薩眾，往觀無量覺。

³一切諸菩薩，各齎¹天妙華，寶香無價衣，供養無量覺。

⁴咸然奏天樂，暢發和雅音，歌歎最勝尊，供養無量覺。

⁵究達神通慧，遊入深法門，具足功德藏²，妙智無等倫。

⁶慧日朗世間，消除生死雲，恭敬繞三匝，稽首無上尊。

⁷見彼嚴淨土，微妙難思議，因發無量心，願我國亦然。

⁸應時無量尊，動容發欣笑，口出無數光，遍照十方國。

⁹迴光圍繞身，三匝從頂入，一切天人眾，踴躍皆歡喜。

¹⁰大士觀世音，整服稽首問，白佛何緣笑，唯然願說意。

¹¹梵聲猶雷震，八音暢妙響，當授菩薩記，今說仁諦聽。

¹²十方來正士，吾悉知彼願，志求嚴淨土，受決當作佛。

¹³覺了一切法，猶如夢幻響，滿足諸妙願，必成如是刹。

彌陀說法

諸佛勸讚

¹⁴ 知法如電影，究竟菩薩道，具諸功德本，受決當作佛。

¹⁵ 通達諸法性，一切空無我，專求淨佛土，必成如是剎。

¹⁶ 諸佛告菩薩，令觀安養佛，聞法樂受行，疾得清淨處。

¹⁷ 至彼嚴淨國，便速得神通，必於無量尊，受記成等覺。

第十八願
成就偈

¹⁸ 其佛本願力，聞名欲往生，皆悉到彼國，自致不退轉。

¹⁹ 菩薩興至願，願已國無異，普念度一切，名顯滿十方。

往觀偈完

²⁰ 奉事億如來，飛化遍諸剎，恭敬歡喜去，還到安養國。

釋迦勸讚

¹ 若人無善本，不得聞此經，清淨有戒者，乃獲聞正法。

² 曾更見世尊，則能信此事，謙敬聞奉行，踴躍大歡喜。

³ 憍慢弊懈怠，難以信此法，宿世見諸佛，樂聽如是教。

所信法深

⁴ 聲聞或菩薩，莫能究聖心，譬如從生盲，欲行開導人。

⁵ 如來智慧海，深廣無涯底，二乘非所測，唯佛獨明了。

結勸

⁶ 假使一切人，具足皆得道，淨慧知本空，億劫思佛智。

⁷ 窮力極講說，盡壽猶不知，佛慧無邊際，如是致清淨。

⁸ 壽命甚難得，佛世亦難值，人有信慧難，若聞精進求。

⁹ 聞法能不忘，見敬得大慶，則我善親友，是故當發意。

¹⁰ 設滿世界火，必過要聞法，會當成佛道，廣度生死流。」

(四) 眾生往生之果

聖眾果德

1. 一生補處之德

第二十二願
成就

佛告阿難：「彼國菩薩，皆當究竟一生補處，除其本願，為眾生故，以弘誓功德而自莊嚴，普欲度脫一切眾生。

阿難，彼佛國中，諸聲聞眾身光一尋，菩薩光明照百由旬。

有二菩薩最尊第一，威神光明普照三千大千世界。」

阿難白佛：「彼二菩薩，其號云何？」

觀音勢至

佛言：「一名觀世音，二名大勢至。此二菩薩，於此國土修菩薩行，命終轉化，生彼佛國。

第二十一願
成就
第四十一、
四十八願
成就

阿難，其有眾生生彼國者，皆悉具足三十二相，智慧成滿，深入諸法，究暢要妙，神通無礙，諸根明利。其鈍根者，成就二忍；其利根者，得不可計無生法忍。

第二、五願
成就

又彼菩薩，乃至成佛，不受惡趣，神通自在，常識宿命；除生他方五濁惡世，示現同彼，如我國也。」

供養諸佛

2. 供養諸佛之德

第二十三、
九願成就

佛語阿難：「彼國菩薩，承佛威神，一食之頃，往詣十方無量世界，恭敬供養諸佛世尊。隨心所念，華香、伎樂、衣蓋、幢幡，無數無量

第二十四願
成就

供養之具，自然化生，應念即至。珍妙殊特，非世所有。輒以奉散諸佛及諸菩薩、聲聞之眾。在虛空中化成華蓋，光色昱爍，香氣普熏。其華周圓四百里者，如是轉倍，乃覆三千大千世界。隨其前後，以次化沒。

聞法歡喜

其諸菩薩僉然欣悅，於虛空中共奏天樂，以微妙音歌歎佛德。聽受經法，歡喜無量。供養佛已，未食之前，忽然輕舉，還其本國。」

3. 聞法供養之德

彌陀說法
第二十八、
四十六願
成就

佛語阿難：「無量壽佛為諸聲聞、菩薩、天人頒宣法時，都悉集會七寶講堂，廣宣道教，演暢妙法，莫不歡喜，心解得道。

即時四方自然風起，吹七寶樹，出五音聲。無量妙華隨風四散，自然供養，如是不絕。

聖眾供養

一切諸天皆齎^ㄩ天上百千華香、萬種伎樂，供養其佛及諸菩薩、聲聞之眾。普散華香，奏諸音樂。前後來往，更相開避。當斯之時，熙怡快樂，不可勝言。」

4. 說法自在之德

一切智德
第二十五願
成就

佛語阿難：「生彼佛國諸菩薩等，所可講說，常宣正法，隨順智慧，無違無失。

不著萬物
第十願
成就

於其國土所有萬物，無我所心，無染著心。去來進止，情無所繫，隨意自在，無所適^ㄩ莫。無彼無我，無競^ㄩ無訟^ㄩ。

悲濟眾生

於諸眾生，得大慈悲饒益之心，柔潤調伏、無忿^ㄩ恨心，離蓋清淨、無厭怠心，等心，勝心，深心，定心，愛法、樂法、喜法之心，滅諸煩惱、離惡趣心。

5. 自利利他之德

(1) 正說

歎二利行德

究竟一切菩薩所行，具足成就無量功德。得深禪定，諸通明慧。遊志七覺，修心佛法。

五眼具足
第六願
成就

肉眼清徹，靡不分了；天眼通達，無量無限；法眼觀察，究竟諸道；慧眼見真，能度彼岸；佛眼具足，覺了法性。

智辯無礙
第二十九願
成就

以無礙智，為人演說。等觀三界，空無所有。志求佛法，具諸辯才，除滅眾生煩惱之患。從如來生，解法如如。善知集滅音聲方便，不欣世語，樂在正論。

歎二利圓滿
真俗雙融

修諸善本，志崇佛道。知一切法皆悉寂滅，生身煩惱二餘俱盡，聞甚深法心不疑懼，常能修行。

悲智雙運

其大悲者，深遠微妙，靡不覆載，究竟一乘，至於彼岸。決斷疑網，慧由心出，於佛教法，該羅無外。

譬說總歎

(2) 譬喻

喻自利之德

智慧如大海，三昧如山王。慧光明淨，超踰日月。清白之法，具足圓滿。猶如雪山，照諸功德等一淨故；猶如大地，淨穢好惡無異心故；猶如淨水，洗除塵勞諸垢染故；猶如火王，燒滅一切煩惱薪故；猶如大風，行諸世界無障礙故；猶如虛空，於一切有無所著故；猶如蓮華，於諸世間無染污故。

喻利他之德

猶如大乘，運載群萌出生死故；猶如重雲，震大法雷覺未覺故；猶如大雨，雨甘露法潤眾生故；如金剛山，眾魔外道不能動故；如梵天王，於諸善法最上首故；如尼拘類樹，普覆一切故；如優曇鉢華，稀有難遇故；如金翅鳥，威伏外道故；如眾遊禽，無所藏積故；猶如牛王，無能勝故；猶如象王，善調伏故；如獅子王，無所畏故；曠若虛空，大慈等故。

(3) 說法之德

說法德

摧滅嫉心，不忌勝故。專樂求法，心無厭足。常欲廣說，志無疲倦。

擊法鼓，建法幢。曜慧日，除癡闇。

修六和敬，常行法施。志勇精進，心不退弱。為世燈明，最勝福田。常為師導，等無憎愛。唯樂正道，無餘欣戚。拔諸欲刺，以安群生。功慧殊勝，莫不尊敬。滅三垢障，遊諸神通。

威力具足

因力、緣力、意力、願力、方便之力，常力、善力、定力、慧力、多聞之力，施戒忍辱精進禪定智慧之力，正念正觀諸通明力，如法調伏諸眾生力；如是等力，一切具足。

(4) 結歎

結歎

身色相好、功德辯才，具足莊嚴，無與等者。恭敬供養無量諸佛，常

為諸佛所共稱歎。究竟菩薩諸波羅蜜，修空、無相、無願三昧，不生不滅諸三昧門，遠離聲聞、緣覺之地。

總結

阿難，彼諸菩薩成就如是無量功德，我但為汝略言之耳；若廣說者，百千萬劫不能窮盡。」

以上彌陀分

(五)釋尊之勸誡

1.大悲攝化

(1)總誡

釋迦分

佛告彌勒菩薩、諸天人等：「無量壽國聲聞、菩薩功德智慧不可稱說。又，其國土微妙安樂，清淨若此。

淨穢欣厭
勸勵往生

何不力為善，念道之自然？
著於無上下，洞達無邊際。
宜各勤精進，努力自求之。

必得超絕去，往生安樂國；
橫截五惡道，惡道自然閉。
昇道無窮極，易往而無人；
其國不逆違，自然之所牽。
何不棄世事，勤行求道德。
可得極長生，壽樂無有極。

三毒段

(2)三毒之誡

①貪欲之苦

然世人薄俗，共諍不急之事。

厭離穢惡

貧富營務

於此劇惡極苦之中，勤身營務，以自給濟。無尊無卑，無貧無富，少長男女，共憂錢財；有無同然，憂思適等。屏營愁苦，累念積慮，為心走使，無有安時。

有財苦

有田憂田，有宅憂宅。牛馬六畜、奴婢錢財、衣食什物，復共憂之。重思累息，憂念愁怖。

失財苦

橫為非常水火、盜賊、怨家債主焚漂劫奪，消散磨滅。憂毒^憂忪^忪忪^忪，無有解時。結憤心中，不離憂惱。心堅意固，適無縱捨。或坐摧碎，身亡命終，棄捐之去，莫誰隨者。尊貴豪富，亦有斯患。憂懼萬端，勤苦若此，結眾寒熱，與痛共居。

無財苦

貧窮下劣，困乏常無。無田亦憂欲有田，無宅亦憂欲有宅，無牛馬六畜、奴婢錢財、衣食什物，亦憂欲有之。適有一，復少一。有是少是，思有齊等。適欲具有，便復糜^糜散。

求財苦

如是憂苦，當復求索。不能時得，思想無益，身心俱勞，坐起不安。憂念相隨，勤苦若此，亦結眾寒熱，與痛共居。或時坐之，終身夭命，不肯為善，行道進德，壽終身死，當獨遠去，

有所趣向，善惡之道莫能知者。

◎ 瞋恚之苦

一、勸誠^勸瞋^瞋德^德
和睦之德

世間人民，父子兄弟，夫婦家室，中外親屬，當相敬愛，無相憎^憎嫉^嫉。有無相通，無得貪惜。言色常和，莫相違^違戾^戾。

二、怨憎^怨會^會苦^苦
不和之過

或時心諍，有所^怨怒，今世恨意，微相憎嫉，後世轉劇，至成大怨。所以者何？世間之事，更相患害，雖不即時應急相破，然含毒蓄怒，結憤精神，自然^剋識，不得相離，皆當對生，更相報復。

三、愛別^愛離^離苦^苦
生死變化

人在世間愛欲之中，獨生獨死，獨去獨來。當行至趣苦樂之地，身自當之，無有代者。善惡變化，殃福異處，宿^宿豫^豫嚴待，當獨趣入。遠到他所，莫能見者。善惡自然追行所生，窈^窈窈^窈冥^冥冥^冥，別離久長，道路不同，會見無期，甚難甚難，今得相值！

結 勸

何不棄眾事，各遇強健時，努力勤修善？
精進願度世，可得極長生。
如何不求道，安所須待，欲何樂乎？

③ 愚癡之苦

一、不信因果
五趣流轉

如是世人，不信作善得善、為道得道，不信人死更生、惠施得福。善惡之事，都不信之。謂之不然，終無有是。但坐此故，且自見之，更相瞻視，先後同然。

二、邪見相承
先人迷執

轉相承受，父餘教令。先人祖父，素不為善，不識道德。身愚神闇，心塞意閉。死生之趣、善惡之道自不能見，無有語者。吉凶禍福，競各作之，無一怪也。

三、不悟無常

生死常道，轉相嗣立。或父哭子，或子哭父。兄弟夫婦，更相哭泣。顛倒上下，無常根本。皆當過去，不可常保。教語開導，信之者少，

是以生死流轉，無有休止。

四、傷嘆失道

如此之人，蒙冥抵突，不信經法，心無遠慮，各欲快意，癡惑於愛欲，不達於道德，迷沒於瞋怒，貪狼於財色。坐之不得道，當更惡趣苦，生死無窮已，哀哉甚可傷！

五、恩愛阻道
愚癡之業

或時室家父子、兄弟、夫婦，一死一生，更相哀愍，恩愛思慕，憂念結縛，心意痛著，迭相顧戀，窮日卒歲，無有解已。教語道德，心不開明。思想恩好，不離情欲。昏朦闇塞，愚惑所覆，不能深思熟計、心自端正、專精行道、決斷世事，便旋至竟，年壽終盡，不能得道，無可奈何！

六、造業受苦
貪欲之業

總猥慣擾，皆貪愛欲。惑道者眾，悟之者少。世間匆匆，無可聊賴。

瞋恚之業

尊卑上下，貧富貴賤，勤苦匆務，各懷殺毒，惡氣窳冥，為妄興事，違逆天地，不從人心。

流轉之相

自然非惡，先隨與之，恣聽所為，待其罪極，其壽未終盡，便頓奪之。下入惡道，累世勤苦，展轉其中，數千億劫，無有出期。痛不可言，甚可哀愍！」

④釋尊之勸說

教誡時眾
勤往生

佛告彌勒菩薩、諸天人等：「我今語汝世間之事，人用是故，坐不得道。當熟思計，遠離眾惡，擇其善者，勤而行之。愛欲榮華，不可常保，皆當別離，無可樂者。遇佛在世，當勤精進。其有至心願生安樂國者，可得智慧明達、功德殊勝。勿得隨心所欲，虧負經戒，在人後也。倘有疑意，不解經者，可具問佛，當為說之。」

往生之因

彌勒領解

彌勒菩薩長跪白言：「佛威神尊重，所說快善。聽佛經語，貫心思之，世人實爾，如佛所言。今佛慈愍，顯示大道，耳目開明，長得度脫。聞佛所說，莫不歡喜。諸天人民、蠕動之類，皆蒙慈恩，解脫憂苦。

佛語教誡，甚深甚善，智慧明見八方上下去來今事，莫不究暢。

今我眾等所以蒙得度脫，皆佛前世求道之時謙苦所致。恩德普覆，福祿巍巍。光明徹照，達空無極，開入泥洹，教授典攬，威制消化，感動十方，無窮無極。佛為法王，尊超眾聖，普為一切天人之師，隨心所願，皆令得道。今得值佛，復聞無量壽佛聲，靡不歡喜，心得開明。」

佛之重誨

佛告彌勒：「汝言是也。若有慈敬於佛者，實為大善。天下久久，乃復有佛，今我於此世作佛，演說經法，宣布道教，斷諸疑網。

拔愛欲之本，杜眾惡之源。遊步三界，無所罣礙。典攬智慧，眾道之要。執持綱維，昭然分明。開示五趣，度未度者，決正生死泥洹之道。

生死長遠

彌勒當知，汝從無數劫來，修菩薩行，欲度眾生，其已久遠。從汝得道，至於泥洹，不可稱數。汝及十方諸天人民、一切四眾，永劫以來，

展轉五道，憂畏勤苦，不可具言，乃至今世，生死不絕。與佛相值，聽受經法，又復得聞無量壽佛，快哉甚善，吾助爾喜！

厭穢欣淨

汝今亦可自厭生死老病痛苦，惡露不淨，無可樂者，宜自決斷。端身正行，益作諸善。修己潔淨，洗除心垢。言行忠信，表裡相應。人能自度，轉相拯濟。精明求願，積累善本。雖一世勤苦，須臾之間；後生無量壽國，快樂無極。長與道德合明，永拔生死根本，無復貪恚愚癡苦惱之患。欲壽一劫、百劫、千億萬劫，自在隨意，皆可得之。無為自然，次於泥洹之道。

舉益

第十五願成就

信疑得失
邊地

汝等宜各精進，求心所願。無得疑惑中悔，自為過咎，生彼邊地七寶宮殿，五百歲中受諸厄也。」

彌勒信受

彌勒白佛言：「受佛重誨，專精修學，如教奉行，不敢有疑。」

(3) 五惡之誠

五惡段

① 總誠

此世修善

總標

佛告彌勒：「汝等能於此世，端心正意，不作眾惡，甚為至德，十方世界最無倫匹。所以者何？諸佛國土天人之類，自然作善，不大為惡，易可開化。今我於此世間作佛，處於五惡、五痛、五燒之中，為最劇苦。教化群生，令捨五惡，令去五痛，令離五燒；降化其意，令持五善，獲其福德度世長壽泥洹之道。」

佛言：「何等五惡？何等五痛？何等五燒？何等消化五惡，令持五善，獲其福德度世長壽泥洹之道？」

一、第一惡

不仁

作惡之相

② 第一惡

其一惡者，諸天人民、蠕動之類，欲為眾惡，莫不皆然。強者伏弱，轉相剋賊，殘害殺戮，迭相吞噬。

不知修善，惡逆無道，後受殃罰，自然趣向，神明記識，犯者不赦。故有貧窮下賤、乞丐孤獨、聾盲瘖啞、愚癡弊惡，至有尫狂不逮之屬。又有尊貴豪富、高才明達，皆由宿世慈孝，修善積德所致。

一、痛
現世報應

世有常道王法牢獄，不肯畏慎，為惡入罪，受其殃罰，求望解脫，難得勉出：世間有此目前現事。

三、燒
死後痛苦

壽終後世，尤深尤劇，入其幽冥，轉生受身，譬如王法，痛苦極刑。故有自然三塗，無量苦惱。轉質其身，改形易道，所受壽命，或長或短，魂神精識，自然趣之。當獨值向，相從共生，更相報復，無有止已，殃惡未盡，不得相離，展轉其中，無有出期，難得解脫，痛不可言！

因果自然

天地之間，自然有是，雖不即時卒暴應至，善惡之道會當歸之。

是為一大惡、一痛、一燒，勤苦如是。譬如大火，焚燒人身。

四、勸善

人能於中一心制意、端身正行、獨作諸善、不為眾惡者，身獨度脫，獲其福德度世上天泥洹之道：是為一大善也。」

一、第二惡
不義
作惡之相

③ 第二惡

佛言：「其二惡者，世間人民，父子兄弟、室家夫婦都無義理，不順法度。奢淫僞縱，各欲快意，任心自恣，更相欺惑。

心口各異，言念無實，佞諂不忠，巧言諛媚，嫉賢謗善，陷入冤枉。

主上不明，任用臣下；臣下自在，機偽多端，踐度能行，知其形勢。在位不正，為其所欺，妄損忠良，不當天心。臣欺其君，子欺其父，兄弟、夫婦，中外知識，更相欺誑。

各懷貪欲、瞋恚、愚癡，欲自厚己，欲貪多有。尊卑上下，心俱同然。破家亡身，不顧前後。親屬內外，坐之滅族。或時室家、知識、鄉黨、

市里、愚民、野人，轉共從事，更相利害，忿成怨結。富有慳惜，不肯施與，愛保貪重，心勞身苦。

如是至竟，無所恃怙，獨來獨去，無一隨者。善惡禍福，追命所生，或在樂處，或入苦毒，然後乃悔，當復何及！

世間人民，心愚少智，見善憎謗，不思慕及，但欲為惡，妄作非法。常懷盜心，悻望他利，消散磨盡，而復求索。邪心不正，懼人有色，不豫思計，事至乃悔。

二、痛

現世痛苦

今世現有王法牢獄，隨罪趣向，受其殃罰。

因其前世不信道德，不修善本，今復為惡，天神剋識，別其名籍，壽終神逝，下入惡道。

三、燒

死後痛苦

故有自然三塗，無量苦惱。展轉其中，世世累劫，無有出期，難得解脫，痛不可言！

是為二大惡、二痛、二燒，勤苦如是。譬如大火，焚燒人身。

四、勸善

人能於中一心制意、端身正行、獨作諸善、不為眾惡者，身獨度脫，獲其福德度世上天泥洹之道：是為二大善也。」

一、第三惡

無禮
作惡之相

④ 第三惡

佛言：「其三惡者，世間人民，相因寄生，共居天地之間，處年壽命無能幾何。上有賢明長者、尊貴豪富，下有貧窮廝賤、尪劣愚夫，中有不善之人，常懷邪惡，但念淫泆，煩滿胸中，愛欲交亂，坐起不安。貪意守惜，但欲唐得，眄睐細色，邪態外逸。自妻厭憎，私妄出入，費損家財，事為非法。交結聚會，興師相伐，攻劫殺戮，強奪無道。惡心在外，不自修業，盜竊趣得，欲擊成事。恐勢迫脅，歸給妻子，恣心快意，極身作樂。或於親屬，不避尊卑，家室中外，患而苦之，亦復不畏王法禁令。

一、痛
現世痛苦

如是之惡，著於人鬼，日月照見，神明記識。

三、燒
死後痛苦

故有自然三塗，無量苦惱。展轉其中，世世累劫，無有出期，難得解脫，痛不可言！

四、勸善

是為三大惡、三痛、三燒，勤苦如是。譬如大火，焚燒人身。

人能於中一心制意、端身正行、獨作諸善、不為眾惡者，身獨度脫，獲其福德度世上天泥洹之道：是為三大善也。」

一、第四惡
無智
作惡之相

⑤ 第四惡

佛言：「其四惡者，世間人民，不念修善，轉相教令，共為眾惡，兩舌、惡口、妄言、綺語，讒賊鬥亂，憎嫉善人，敗壞賢明，於傍快喜。不孝二親，輕慢師長，朋友無信，難得誠實。尊貴自大，謂己有道，橫行威勢，侵易於人。不能自知，為惡無恥，自以強健，欲人敬難。不畏天地、神明、日月，不肯作善，難可降化。自用優蹇，謂可常爾，

無所憂懼，常懷憍慢。

一、痛
現世痛苦

如是眾惡，天神記識。賴其前世，頗作福德，小善扶接，營護助之。今世為惡，福德盡滅，諸善鬼神各去離之，身獨空立，無所復依。

三、燒
死後痛苦

壽命終盡，諸惡所歸，自然迫促，共趣奪之。又其名籍，記在神明，殃咎牽引，當往趣向。罪報自然，無從捨離。但得前行，入於火鑊。身心摧碎，精神痛苦。當斯之時，悔復何及！天道罔然，不得蹉跌。

故有自然三塗，無量苦惱。展轉其中，世世累劫，無有出期，難得解脫，痛不可言！

是為四大惡、四痛、四燒，勤苦如是。譬如大火，焚燒人身。

四、勸善

人能於中一心制意、端身正行、獨作諸善、不為眾惡者，身獨度脫，獲其福德度世上天泥洹之道：是為四大善也。」

一、第五惡
不信
作惡之相

◎ 第五惡

佛言：「其五惡者，世間人民，徒倚懈惰，不肯作善，治身修業，家室眷屬，飢寒困苦。父母教誨，瞋目怒應，言令不和，違戾反逆，譬如怨家，不如無子。取與無節，眾共患厭，負恩違義，無有報償之心。貧窮困乏，不能復得，辜較縱奪，放恣遊散。串數唐得，用自賑給，耽酒嗜美，飲食無度。肆心蕩逸，魯扈抵突，不識人情，強欲抑制。見人有善，妒嫉惡之，無義無禮，無所顧難，自用識當，不可諫曉。六親眷屬，所資有無，不能憂念，不惟父母之恩，不存師友之義。心常念惡，口常言惡，身常行惡，曾無一善。不信先聖、諸佛經法，不信行道可得度世，不信死後神明更生，不信作善得善、為惡得惡。欲殺真人，鬥亂眾僧，欲害父母、兄弟、眷屬，六親憎惡，願令其死。

三業作惡
不信經法

二、痛
現世痛苦

如是世人，心意俱然。愚癡蒙昧，而自以智慧。不知生所從來，死所趣向。不仁不順，惡逆天地，而於其中悒望僥倖，欲求長生，會當歸死。慈心教誨，令其念善，開示生死善惡之趣，自然有是，而不肯信之。苦心與語，無益其人。心中閉塞，意不開解。

三、燒
死後痛苦

大命將終，悔懼交至，不豫修善，臨窮方悔；悔之於後，將何及乎？天地之間，五道分明，恢廓窈冥，浩浩茫茫。善惡報應，禍福相承，身自當之，無誰代者。數之自然，應期所行，殃咎追命，無得從捨。善人行善，從樂入樂，從明入明；惡人行惡，從苦入苦，從冥入冥。誰能知者？獨佛知耳。教語開示，信用者少，生死不休，惡道不絕。如是世人，難可具盡。

故有自然三塗，無量苦惱。展轉其中，世世累劫，無有出期，難得解脫，痛不可言！

是為五大惡、五痛、五燒，勤苦如是。譬如大火，焚燒人身。

四、勸善

人能於中一心制意、端身正念、言行相副、所作至誠、所語如語、心口不轉、獨作諸善、不為眾惡者，身獨度脫，獲其福德度世上天泥洹之道：是為五大善也。」

五、惡制誠

⑦釋尊之勸說

佛告彌勒：「吾語汝等，是世五惡勤苦若此，五痛、五燒展轉相生。但作眾惡，不修善本，皆悉自然入諸惡趣。或其今世，先被殃病，求死不得，求生不得，罪惡所招，示眾見之。身死隨行，入三惡道，苦毒無量，自相焦然。至其久後，共作怨結，從小微起，遂成大惡。皆由貪著財色，不能施惠。癡欲所迫，隨心思想，煩惱結縛，無有解已。厚己諍利，無所省錄，富貴榮華，當時快意；不能忍辱，不務修善，

威勢無幾，隨以磨滅。身坐勞苦，久後大劇，天道弛張，自然糾舉。綱維羅網，上下相應，熒熒^{ㄉㄨㄥˋ}恫恫^{ㄉㄨㄥˋ}，當入其中。古今有是，痛哉可傷！」

五、善勸修

佛語彌勒：「世間如是，佛皆哀之，以威神力摧滅眾惡，悉令就善。棄捐所思，奉持經戒，受行道法，無所違失，終得度世泥洹之道。」

正勸善

佛言：「汝今諸天人民及後世人，得佛經語，當熟思之，能於其中端心正行。主上為善，率化其下，轉相敕令，各自端守。尊聖敬善，仁慈博愛，佛語教誨，無敢虧負。當求度世，拔斷生死眾惡之本，當離三塗無量憂怖苦痛之道。

對比勸善

汝等於是廣植德本，布恩施惠，勿犯道禁，忍辱精進，一心智慧，轉相教化，為德立善。正心正意，齋戒清淨一日一夜，勝在無量壽國為善百歲。

極樂純善
無惡

所以者何？彼佛國土無為自然，皆積眾善，無毛髮之惡。

於此修善十日十夜，勝於他方諸佛國中為善千歲。

安樂多惡
苦毒

所以者何？他方佛國為善者多，為惡者少，福德自然，無造惡之地。唯此間多惡，無有自然，勤苦求欲，轉相欺殆，心勞形困，飲苦食毒，如是惡務，未嘗寧息。

大悲攝化

吾哀汝等天人之類，苦心誨喻，教令修善，隨宜開導，授與經法，莫不承用，在意所願，皆令得道。

佛世勝益

佛所遊履，國邑丘聚靡不蒙化。天下和順，日月清明，風雨以時，災厲不起。國豐民安，兵戈無用，崇德興仁，務修禮讓。」

護念

佛言：「我哀愍汝等諸天人民，甚於父母念子。

今我於此世作佛，降化五惡，消除五痛，絕滅五燒。以善攻惡，拔生死之苦；令獲五德，升無為之安。

滅後劣相

吾去世後，經道漸滅，人民諂偽，復為眾惡，五燒、五痛還如前法，久後轉劇，不可悉說；我但為汝略言之耳。」

教囑彌勒

佛語彌勒：「汝等各善思之，轉相教誡，如佛經法，無得犯也！」

彌勒領受

於是彌勒菩薩合掌白言：「佛所說甚善，世人實爾。如來普慈哀愍，悉令度脫。受佛重誨，不敢違失！」

現土證誠

2. 現土證誠

佛告阿難：「汝起，更整衣服，合掌恭敬，禮無量壽佛。十方國土諸佛如來，常共稱揚讚歎彼佛無著無礙。」

於是阿難起整衣服，正身西面，恭敬合掌，五體投地，禮無量壽佛。白言：「世尊，願見彼佛安樂國土及諸菩薩、聲聞大眾。」

靈山現土

說是語已，即時無量壽佛放大光明，普照一切諸佛世界。金剛圍山、須彌山王、大小諸山，一切所有皆同一色。譬如劫水彌滿世界，其中萬物沉沒不現，混澆浩汗，唯見大水。彼佛光明亦復如是。聲聞、菩薩一切光明皆悉隱蔽，唯見佛光明耀顯赫。

彼此相見

爾時阿難即見無量壽佛威德巍巍，如須彌山王高出一切諸世界上，相好光明，靡不照耀；此會四眾一時悉見。彼見此土亦復如是。

爾時佛告阿難及慈氏菩薩：「汝見彼國，從地以上，至淨居天，其中所有微妙嚴淨自然之物，為悉見否？」

阿難對曰：「唯然，已見。」

「汝寧復聞無量壽佛，大音宣布一切世界，化眾生否？」

阿難對曰：「唯然，已聞。」

「彼國人民，乘百千由旬七寶宮殿，無所障礙，遍至十方，供養諸佛，汝復見否？」

對曰：「已見。」

胎化段

「彼國人民，有胎生者，汝復見否？」

對曰：「已見。」

「其胎生者，所處宮殿，或百由旬，或五百由旬。各於其中受諸快樂，如忉利天上，亦皆自然。」

爾時慈氏菩薩白佛言：「世尊，何因何緣，彼國人民胎生、化生？」

胎生之因
第十九願
成就

佛告慈氏：「若有眾生，以疑惑心修諸功德，願生彼國，不了佛智、不思議智、不可稱智、大乘廣智、無等無倫最上勝智，於此諸智疑惑不信；然猶信罪福，修習善本，願生其國。

胎生之果

此諸眾生，生彼宮殿，壽五百歲；常不見佛，不聞經法，不見菩薩、聲聞聖眾。是故於彼國土，謂之胎生。

化生因果

若有眾生，明信佛智乃至勝智，作諸功德，信心迴向。此諸眾生，於七寶華中自然化生，跏趺而坐。須臾之頃，身相光明、智慧功德，如諸菩薩具足成就。

復次慈氏，他方諸大菩薩，發心欲見無量壽佛，恭敬供養，及諸菩薩、

聲聞聖眾。彼菩薩等，命終得生無量壽國，於七寶華中自然化生。」

信疑得失

彌勒當知：「彼化生者，智慧勝故。其胎生者，皆無智慧，於五百歲中，常不見佛，不聞經法，不見菩薩、諸聲聞眾，無由供養於佛，不知菩薩法式，不得修習功德；當知此人，宿世之時無有智慧，疑惑所致。」

胎生譬說

佛告彌勒：「譬如轉輪聖王，有七寶牢獄，種種莊嚴，張設床帳，懸諸繒蓋。若有諸小王子，得罪於王，輒內彼獄中，繫以金鎖，供給飲食、衣服、床蓐、華香、伎樂，如轉輪王，無所乏少。於意云何？此諸王子，寧樂彼處否？」

對曰：「否也。但種種方便，求諸大力，欲自勉出。」

胎生劣相

佛告彌勒：「此諸眾生亦復如是。以疑惑佛智故，生彼七寶宮殿，無有刑罰乃至一念惡事，但於五百歲中不見三寶，不得供養、修諸善本，以此為苦。雖有餘樂，猶不樂彼處。

悔責見佛

若此眾生識其本罪，深自悔責，求離彼處，即得如意，往詣無量壽佛所，恭敬供養；亦得遍至無量無數諸餘佛所，修諸功德。

彌勒當知，其有菩薩生疑惑者，為失大利，是故應當明信諸佛無上智慧。」

十方來生
十四佛國

彌勒菩薩白佛言：「世尊，於此世界，有幾所不退菩薩生彼佛國？」

此土往彼

佛告彌勒：「於此世界，有六十七億不退菩薩往生彼國。一一菩薩已曾供養無數諸佛，次如彌勒者也。

諸小行菩薩及修習少功德者，不可稱計，皆當往生。」

他土往彼

佛告彌勒：「不但我剎諸菩薩等往生彼國，他方佛土亦復如是。

其第一佛，名曰遠照，彼有百八十億菩薩，皆當往生。

其第二佛，名曰寶藏，彼有九十億菩薩，皆當往生。

其第三佛，名曰無量音，彼有二百二十億菩薩，皆當往生。

其第四佛，名曰甘露味，彼有二百五十億菩薩，皆當往生。

其第五佛，名曰龍勝，彼有十四億菩薩，皆當往生。

其第六佛，名曰勝力，彼有萬四千菩薩，皆當往生。

其第七佛，名曰師子，彼有五百億菩薩，皆當往生。

其第八佛，名曰離垢光，彼有八十億菩薩，皆當往生。

其第九佛，名曰德首，彼有六十億菩薩，皆當往生。

其第十佛，名曰妙德山，彼有六十億菩薩，皆當往生。

其第十一佛，名曰人王，彼有十億菩薩，皆當往生。

其第十二佛，名曰無上華，彼有無數不可稱計諸菩薩眾，皆不退轉，智慧勇猛，已曾供養無量諸佛，於七日中，即能攝取百千億劫大士所修堅固之法。斯等菩薩，皆當往生。

其第十三佛，名曰無畏，彼有七百九十億大菩薩眾，諸小菩薩及比丘等，不可稱計，皆當往生。」

佛語彌勒：「不但此十四佛國中諸菩薩等，當往生也；十方世界無量佛國，其往生者亦復如是，甚多無數。

我但說十方諸佛名號及菩薩、比丘生彼國者，晝夜一劫，尚未能盡，我今為汝，略說之耳。」

流通分

【三、流通分】

(一) 付囑流通

一、付囑彌勒

佛告彌勒：「其有得聞彼佛名號，歡喜踴躍乃至一念，當知此人為得大利，則是具足無上功德。

二、勸學示益

是故彌勒！設有大火，充滿三千大千世界，要當過此，聞是經法，歡喜信樂，受持讀誦，如說修行。

所以者何？多有菩薩，欲聞此經而不能得。

勸信

若有眾生，聞此經者，於無上道終不退轉。是故應當專心信受，持誦說行。

吾今為諸眾生說此經法，令見無量壽佛，及其國土一切所有，所當為者，皆可求之，無得以我滅度之後復生疑惑。

三、預言惠眾
哀愍特留

當來之世，經道滅盡，我以慈悲哀愍，特留此經，止住百歲。其有眾生
值斯經者，隨意所願，皆可得度。」

四、學難勸信
難值難信

佛語彌勒：「如來興世，難值難見；諸佛經道，難得難聞；菩薩勝法、
諸波羅蜜，得聞亦難；遇善知識，聞法能行，此亦為難；
若聞斯經，信樂受持，難中之難，無過此難！」

是故我法，如是作，如是說，如是教，應當信順，如法修行。」

(二)聞經得益

時眾得益

爾時世尊說此經法，無量眾生皆發無上正覺之心。萬二千那由他人得
清淨法眼，二十二億諸天人民得阿那含果，八十萬比丘漏盡意解，四
十億菩薩得不退轉。以弘誓功德而自莊嚴，於將來世當成正覺。

(三)現瑞眾喜

滿會瑞相

爾時三千大千世界六種震動，大光普照十方國土，百千音樂自然而
作，無量妙華紛紛而降。


信受奉行

佛說經已，彌勒菩薩及十方來諸菩薩眾、長老阿難、諸大聲聞，一切
大眾，靡不歡喜。

佛說無量壽經 卷下終

佛說觀無量壽經

《佛說觀無量壽經》組織圖表



佛說觀無量壽經

劉宋西域三藏法師 曇良耶舍 譯

- 序分 【一、序分】
- 證信序 (一) 證信序
- 如是我聞：
- 發起序 (二) 發起序
- 一、化前序 1. 化前序
- 一時，佛在王舍城耆闍崛山中，與大比丘眾，千二百五十人俱；菩薩三萬二千，文殊師利法王子而為上首。
- 二、禁父緣 2. 禁父緣
1. 總起化處 爾時王舍大城，
2. 世王信惡 有一太子，名阿闍世，隨順調達惡友之教。
3. 世王禁父 收執父王頻婆娑羅，幽閉置於七重室內；制諸群臣，一不得往。
4. 夫人奉食 國太夫人名韋提希，恭敬大王。澡浴清淨，以酥蜜和麩，用塗其身；諸瓔珞中盛葡萄漿，密以上王。
5. 因禁請法 爾時大王，食麩飲漿，求水漱口。漱口畢已，合掌恭敬，向耆闍崛山，遙禮世尊，而作是言：「大目犍連是吾親友，願興慈悲，授我八戒。」
6. 父王受法 時目犍連如鷹隼飛，疾至王所。日日如是，授王八戒。世尊亦遣尊者富樓那為王說法。
7. 父王法悅 如是時間經三七日，王食麩蜜，得聞法故，顏色和悅。
- 三、禁母緣 3. 禁母緣
1. 問父昔信 時阿闍世問守門者：「父王今者猶存在耶？」
2. 門家具答 時守門人白言：「大王，國太夫人身塗麩蜜，瓔珞盛漿，持用上王；沙門目連及富樓那從空而來，為王說法，不可禁制。」

3. 世王瞋怒
欲害其母

時阿闍世，聞此語已，怒其母曰：「我母是賊，與賊為伴；沙門惡人，幻惑咒術，令此惡王多日不死。」即執利劍，欲害其母。

4. 二臣切諫

時有一臣，名曰月光，聰明多智，及與耆婆，為王作禮，白言：「大王，臣聞《毗陀論經》說：劫初以來，有諸惡王貪國位故，殺害其父，一萬八千；未曾聞有無道害母。王今為此殺逆之事，污刹利種，臣不忍聞！是旃陀羅，不宜住此。」

時二大臣說此語竟，以手按劍，卻行而退。

5. 世王生怖

時阿闍世，驚怖惶懼，告耆婆言：「汝不為我耶？」

6. 二臣重諫

耆婆白言：「大王，慎莫害母！」

7. 受諫放母

王聞此語，懺悔求救，即便捨劍，止不害母。

8. 餘瞋禁母

敕語內官，閉置深宮，不令復出。

四、厭苦緣

4. 厭苦緣

1. 夫人被禁

時韋提希被幽閉已，愁憂憔悴。

2. 因禁請佛

遙向耆闍崛山，為佛作禮，而作是言：「如來世尊在昔之時，恆遣阿難來慰問我。我今愁憂，世尊威重，無由得見；願遣目連、尊者阿難，與我相見。」

作是語已，悲泣雨淚，遙向佛禮，未舉頭頃。

3. 世尊自來

爾時世尊在耆闍崛山，知韋提希心之所念，即敕大目犍連及以阿難，從空而來。佛從耆闍崛山沒，於王宮出。

二僧為侍

時韋提希禮已舉頭，見世尊釋迦牟尼佛，身紫金色，坐百寶蓮華；目連侍左，阿難侍右；釋梵護世諸天，在虛空中，普雨天華，持用供養。

4. 夫人嘆怨

時韋提希見佛世尊，自絕瓔珞，舉身投地，號泣向佛，白言：「世尊，我宿何罪，生此惡子？世尊復有何等因緣，與提婆達多共為眷屬？」

五、欣淨緣

5. 欣淨緣

1. 通請所求

唯願世尊，為我廣說無憂惱處，我當往生，不樂閻浮提濁惡世也。

2. 舉所厭境

此濁惡處，地獄、餓鬼、畜生盈滿，多不善聚。願我未來，不聞惡聲，不見惡人。

3. 夫人懺悔

今向世尊，五體投地，求哀懺悔，

4. 通請去行

唯願佛日，教我觀於清淨業處。」

5. 光臺現國
酬前通請

爾時世尊，放眉間光。其光金色，遍照十方無量世界；還住佛頂，化為金臺，如須彌山，十方諸佛淨妙國土皆於中現：

或有國土，七寶合成；

復有國土，純是蓮華；

復有國土，如自在天宮；

復有國土，如玻璃鏡，

十方國土，皆於中現。

有如是等無量諸佛國土，嚴顯可觀，令韋提希見。

6. 總領所現

時韋提希白佛言：「世尊，是諸佛土雖復清淨，皆有光明，

7. 別選所求

我今樂生極樂世界阿彌陀佛所。

8. 請求別行

唯願世尊，教我思惟，教我正受。」

六、散善顯行緣

6. 散善顯行緣

1. 光益父王

爾時世尊即便微笑，有五色光從佛口出，一一光照頻婆娑羅王頂。

爾時大王雖在幽閉，心眼無障，遙見世尊，頭面作禮，自然增進，成阿那含。

2. 答別求行
阿彌陀佛
去此不遠

爾時，世尊告韋提希：「汝今知否？阿彌陀佛去此不遠。汝當繫念，諦觀彼國，淨業成者。我今為汝廣說眾譬。

3. 舉機勸益

亦令未來世一切凡夫欲修淨業者，得生西方極樂國土。

4. 勸修三福

欲生彼國者，當修三福：

(1) 世福

一者孝養父母，奉事師長，慈心不殺，修十善業；

(2) 戒福

二者受持三歸，具足眾戒，不犯威儀；

(3) 行福

三者發菩提心，深信因果，讀誦大乘，勸進行者。

三福淨業

如此三事，名為淨業。」

5. 引聖勸凡

佛告韋提希：「汝今知否？此三種業，乃是過去、未來、現在三世諸佛淨業正因。」

七. 定善示觀緣

7. 定善示觀緣

1. 敕聽許說

佛告阿難及韋提希：「諦聽，諦聽！善思念之。如來今者，為未來世一切眾生，為煩惱賊之所害者，說清淨業。」

2. 問當聖意

善哉韋提希！快問此事。

3. 付囑流通

阿難，汝當受持，廣為多眾宣說佛語。

4. 勸修得益

如來今者，教韋提希及未來世一切眾生，觀於西方極樂世界。以佛力故，當得見彼清淨國土，如執明鏡自見面像。見彼國土極妙樂事，心歡喜故，應時即得無生法忍。」

5. 佛力觀成

佛告韋提希：「汝是凡夫，心想羸劣，未得天眼，不能遠觀。

異方便

諸佛如來有異方便，令汝得見。」

6. 牒恩生問

時韋提希白佛言：「世尊，如我今者，以佛力故，見彼國土；

7. 韋提為物

若佛滅後，諸眾生等濁惡不善，五苦所逼，云何當見阿彌陀佛極樂世界？」

- 正宗分 【二、正宗分】
- 定善 (一) 定善觀
- 一、日觀 1. 日想觀
1. 總告總勸 佛告韋提希：「汝及眾生，應當專心，繫念一處，想於西方。
2. 牒所觀事 云何作想？凡作想者，一切眾生，自非生盲，有目之徒皆見日沒。
3. 正教觀察 當起想念，正坐西向，諦觀於日欲沒之處，令心堅住，專想不移。見日欲沒，狀如懸鼓。
4. 辨觀成相 既見日已，閉目開目，皆令明了。
5. 總結 是為日想，名曰初觀。
- 二、水觀 2. 水想觀
1. 總標地體 次作水想。見水澄清，亦令明了，無分散意。既見水已，當起冰想。見冰映徹，作琉璃想。此想成已，見琉璃地，內外映徹。
2. 地下莊嚴 下有金剛七寶金幢，擎琉璃地。其幢八方，八楞具足；一一方面，百寶所成；一一寶珠，有千光明；一一光明，八萬四千色，映琉璃地，如億千日，不可具見。
3. 地上莊嚴 琉璃地上，以黃金繩雜廁間錯，以七寶界分齊分明。
4. 空裏莊嚴 一一寶中，有五百色光。其光如華，又似星月，懸處虛空，成光明臺。樓閣千萬，百寶合成。於臺兩邊，各有百億華幢、無量樂器以為莊嚴。
5. 光音說法 八種清風從光明出，鼓此樂器，演說苦、空、無常、無我之音。
6. 總結 是為水想，名第二觀。
- 三、地觀 3. 地想觀
1. 結前生後 此想成時，
2. 辨觀成相 一一觀之，極令了了。閉目開目，不令散失，唯除睡時，恆憶此事。

想心裡見
三味真見

如此想者，名為粗見極樂國地。若得三昧，見彼國地，了了分明，不可具說。

3. 總結

是為地想，名第三觀。」

4. 勸發流通

佛告阿難：「汝持佛語，為未來世一切大眾欲脫苦者，說是觀地法。

5. 顯觀利益

若觀是地者，除八十億劫生死之罪；捨身他世，必生淨國，心得無疑。

6. 辨觀邪正

作是觀者，名為正觀；若他觀者，名為邪觀。」

四、寶樹觀

4. 寶樹觀

1. 結前生後

佛告阿難及韋提希：「地想成已，次觀寶樹。

2. 觀相儀則

觀寶樹者，一一觀之，作七重行樹想。

3. 樹之體量

一一樹高，八千由旬。

4. 雜樹嚴飾

其諸寶樹，七寶華葉，無不具足；一一華葉，作異寶色：琉璃色中出

金色光，玻璃色中出紅色光，瑪瑙色中出磲磔光，磲磔色中出綠真珠光，珊瑚琥珀，一切眾寶以為映飾。

5. 樹上空嚴

妙真珠網，彌覆樹上。一一樹上，有七重網；一一網間，有五百億妙華宮殿，如梵王宮，諸天童子自然在中；一一童子，五百億釋迦毗楞伽摩尼寶以為瓔珞，其摩尼光，照百由旬，猶如和合百億日月，不可具名，眾寶間錯，色中上者。

6. 無雜自然

此諸寶樹，行行相當，葉葉相次。於眾葉間，生諸妙華，華上自然有七寶果。

7. 華葉色相

一一樹葉，縱廣正等二十五由旬；其葉千色，有百種畫，如天瓔珞。有眾妙華，作閻浮檀金色，如旋火輪，宛轉葉間。

8. 果有德用

湧生諸果，如帝釋瓶，有大光明，化成幢幡，無量寶蓋；是寶蓋中，映現三千大千世界一切佛事，十方佛國亦於中現。

9. 辨觀成相

見此樹已，亦當次第一一觀之，觀見樹、莖、枝、葉、華、果，皆令分明。

10. 總結

是為樹想，名第四觀。

五、寶池觀

5. 寶池觀

1. 總舉觀名

次當想水。欲想水者，

2. 池數出處

極樂國土，有八池水；一一池水，七寶所成，其寶柔軟，從如意珠王生。

3. 池溜漩還

分為十四支，一一支作七寶妙色。黃金為渠，渠下皆以雜色金剛以為底沙。

4. 水不思議用

一一水中，有六十億七寶蓮華；一一蓮華，團圓正等十二由旬。其摩尼水，流注華間，尋樹上下；

5. 水不思議德

其聲微妙，演說苦、空、無常、無我、諸波羅蜜，復有讚歎諸佛相好者。

6. 摩尼神德

如意珠王，湧出金色微妙光明，其光化為百寶色鳥，和鳴哀雅，常讚念佛、念法、念僧。

7. 總結

是為八功德水想，名第五觀。

六、寶樓觀

6. 寶樓觀

1. 總舉觀名

眾寶國土，

2. 寶樓住處

一一界上，

3. 一界樓數

有五百億寶樓。

4. 閣內莊嚴

其樓閣中，有無量諸天作天伎樂。

5. 樓外莊嚴

又有樂器，懸處虛空，如天寶幢，不鼓自鳴。

6. 樂讚念佛

此眾音中，皆說念佛、念法、念比丘僧。

7. 顯觀成相

此想成已，名為粗見極樂世界寶樹、寶地、寶池。

8. 總結 是為總觀想，名第六觀。
9. 牒前生後 若見此者，
10. 正顯觀益 除無量億劫極重惡業，命終之後，必生彼國。
11. 辨觀邪正 作是觀者，名為正觀；若他觀者，名為邪觀。」
- 七、華座觀 7. 華座觀
1. 敕聽許說 佛告阿難及韋提希：「諦聽，諦聽！善思念之。吾當為汝，分別解說
除苦惱法 除苦惱法。
2. 勸發流通 汝等憶持，廣為大眾分別解說。」
3. 二尊許應 說是語時，無量壽佛住立空中，觀世音、大勢至，是二大士侍立左右，
住立空中尊 光明熾盛，不可具見，百千閻浮檀金色，不得為比。
4. 韋提得忍 時韋提希見無量壽佛已，接足作禮，
5. 領荷佛恩 白佛言：「世尊，我今因佛力故，得見無量壽佛及二菩薩；
6. 為物置請 未來眾生，當云何觀無量壽佛及二菩薩？」
7. 總告許說 佛告韋提希：「欲觀彼佛者，當起想念。
8. 教觀方便 於七寶地上，作蓮華想。
9. 寶華莊嚴 令其蓮華，一一葉上，作百寶色，有八萬四千脈，猶如天畫；一一脈
有八萬四千光，
10. 辨觀成相 了了分明，皆令得見。
11. 華葉莊嚴 華葉小者，縱廣二百五十由旬。如是蓮華，具有八萬四千葉；一一葉
間，各有百億摩尼珠王以為映飾；一一摩尼珠，放千光明，其光如蓋，
七寶合成，遍覆地上。
12. 臺上莊嚴 釋迦毗楞伽寶以為其臺。此蓮華臺，八萬金剛甄叔迦寶、梵摩尼寶、

妙真珠網以為交飾。

13. 幢上莊嚴

於其臺上，自然而有四柱寶幢；一一寶幢，如百千萬億須彌山；幢上寶幔，如夜摩天宮。復有五百億微妙寶珠以為映飾；

14. 珠光德用

一一寶珠，有八萬四千光；一一光，作八萬四千異種金色；一一金色，遍其寶土，處處變化，各作異相；或為金剛臺，或作真珠網，或作雜華雲，於十方面隨意變現，施作佛事。

15. 總結

是為華座想，名第七觀。」

16. 願力成華

佛告阿難：「如此妙華，是本法藏比丘願力所成。

17. 重顯觀儀

若欲念彼佛者，當先作此華座想。作此想時，不得雜觀，皆應一一觀之，一一葉、一一珠、一一光、一一臺、一一幢，皆令分明，如於鏡中自見面像。

18. 結觀成益

此想成者，滅除五萬億劫生死之罪，必定當生極樂世界。

19. 辨觀邪正

作是觀者，名為正觀；若他觀者，名為邪觀。」

八、像觀

8. 像觀

1. 結前生後

佛告阿難及韋提希：「見此事已，次當想佛。所以者何？」

2. 諸佛應現

諸佛如來是法界身，入一切眾生心想中。

3. 結勸利益

是故汝等心想佛時，是心即是三十二相、八十隨形好。是心作佛，是心是佛。諸佛正遍知海，從心想生。

4. 勸觀彼佛

是故應當一心繫念，諦觀彼佛多陀阿伽度、阿羅訶、三藐三佛陀。

5. 牒前生後

想彼佛者，先當想像。

6. 辨觀成相
像身觀相

閉目開目，見一寶像，如閻浮檀金色，坐彼華上。見像坐已，心眼得開，了了分明，見極樂國，七寶莊嚴：寶地寶池，寶樹行列；諸天寶幔，彌覆其上；眾寶羅網，滿虛空中。見如此事，極令明了，如觀掌中。

7. 結上生後 見此事已，
8. 成三身觀 復當更作一大蓮華，在佛左邊，如前蓮華，等無有異；復作一大蓮華，在佛右邊。想一觀世音菩薩像，坐左華座，亦作金色，如前無異；想一大勢至菩薩像，坐右華座。
9. 成多身觀 此想成時，佛菩薩像皆放光明。其光金色，照諸寶樹；一一樹下，亦有三蓮華；諸蓮華上，各有一佛、二菩薩像，遍滿彼國。
10. 莊嚴說法 此想成時，行者當聞水流光明，及諸寶樹、覺、雁、鴛鴦皆說妙法；出定入定，恆聞妙法。行者所聞，出定之時，憶持不捨。
11. 辨觀邪正 令與修多羅合。若不合者，名為妄想；若與合者，名為粗想見極樂世界。
12. 總結 是為像想，名第八觀。
13. 修觀現益 作是觀者，除無量億劫生死之罪，於現身中得念佛三昧。」

九、真身觀

9. 真身觀

1. 正明告命 佛告阿難及韋提希：「此想成已，次當更觀無量壽佛身相光明。
結前生後
2. 真佛身相 阿難當知：無量壽佛，身如百千萬億夜摩天閻浮檀金色，
3. 身量大小 佛身高六十萬億那由他恆河沙由旬。
4. 總觀身相 眉間白毫，右旋宛轉，如五須彌山；佛眼如四大海水，青白分明；身諸毛孔，演出光明，如須彌山。彼佛圓光，如百億三千大千世界；於圓光中，有百萬億那由他恆河沙化佛；一一化佛，亦有眾多無數化菩薩以為侍者。
5. 觀身別相 無量壽佛，有八萬四千相；一一相中，各有八萬四千隨形好；一一好
光明遍照
之文 中，復有八萬四千光明；一一光明，遍照十方世界，念佛眾生攝取不捨。
6. 結少顯多 其光相好，及與化佛，不可具說。
7. 令心眼見 但當憶想，令心眼見。

8. 觀益得成
彌陀大慈
普救一切
眾生之文

見此事者，即見十方一切諸佛；以見諸佛故，名念佛三昧。作是觀者，名觀一切佛身；以觀佛身故，亦見佛心。佛心者，大慈悲是，以無緣慈，攝諸眾生。

9. 捨身得生

作此觀者，捨身他世，生諸佛前，得無生忍。

10. 結勸觀益

是故智者，應當繫心，諦觀無量壽佛。觀無量壽佛者，從一相好入；但觀眉間白毫，極令明了；見眉間白毫相者，八萬四千相好自然當現。見無量壽佛者，即見十方無量諸佛；得見無量諸佛故，諸佛現前授記。

11. 總結

是為遍觀一切色身相，名第九觀。

12. 辨觀邪正

作是觀者，名為正觀；若他觀者，名為邪觀。」

十、觀音觀

10. 觀音觀

1. 結前生後

佛告阿難及韋提希：「見無量壽佛了了分明已，次亦應觀觀世音菩薩。

2. 總標身相

此菩薩身長八十萬億那由他由旬，身紫金色，頂有肉髻，頂有圓光，面各百千由旬。其圓光中，有五百化佛，如釋迦牟尼；一一化佛，有五百化菩薩、無量諸天以為侍者。舉身光中，五道眾生、一切色相，皆於中現。

3. 天冠化佛

頂上毗楞伽摩尼寶以為天冠；其天冠中，有一立化佛，高二十五由旬。

4. 面身異色

觀世音菩薩，面如閻浮檀金色。

5. 毫光化佛

眉間毫相，備七寶色，流出八萬四千種光明；一一光明，有無量無數百千化佛；一一化佛，無數化菩薩以為侍者，變現自在，滿十方世界，譬如紅蓮華色。

6. 身服光環

有八十億微妙光明以為瓔珞；其瓔珞中，普現一切諸莊嚴事。

7. 手有悲用

手掌作五百億雜蓮華色；手十指端，一一指端有八萬四千畫，猶如印文；一一畫，有八萬四千色；一一色，有八萬四千光，其光柔軟，普

照一切；以此寶手，接引眾生。

8. 足有德用

舉足時，足下有千輻輪相，自然化成五百億光明臺；下足時，有金剛摩尼華，布散一切，莫不彌滿。

9. 餘相同佛

其餘身相，眾好具足，如佛無異；

10. 師徒位別

唯頂上肉髻，及無見頂相，不及世尊。

11. 總結

是為觀觀世音菩薩真實色身相，名第十觀。」

12. 結前生後

佛告阿難：「若欲觀觀世音菩薩者，當作是觀。

13. 勸觀利益

作是觀者，不遇諸禍，淨除業障，除無數劫生死之罪。如此菩薩，但聞其名獲無量福，何況諦觀。

14. 重顯觀儀

若有欲觀觀世音菩薩者，先觀頂上肉髻，次觀天冠，其餘眾相，亦次第觀之，悉令明了，如觀掌中。

15. 辨觀邪正

作是觀者，名為正觀；若他觀者，名為邪觀。

十一. 勢至觀

11. 勢至觀

1. 總舉觀名

次觀大勢至菩薩。

2. 次辨觀相

此菩薩身量大小亦如觀世音。

3. 正明圓光

圓光面各百二十五由旬，照二百五十由旬。

4. 光益有緣

舉身光明，照十方國，作紫金色，有緣眾生，皆悉得見。但見此菩薩

依光立名

一毛孔光，即見十方無量諸佛淨妙光明，是故號此菩薩名無邊光。以

依德立名

智慧光普照一切，令離三塗，得無上力，是故號此菩薩名大勢至。

5. 天冠莊嚴

此菩薩天冠，有五百寶華；一一寶華，有五百寶臺；一一臺中，十方諸佛，淨妙國土，廣長之相，皆於中現。

6. 肉髻寶瓶

頂上肉髻，如鉢頭摩華；於肉髻上，有一寶瓶，盛諸光明，普現佛事。

7. 餘同觀音

餘諸身相，如觀世音，等無有異。

8. 行異觀音
行時地動

此菩薩行時，十方世界，一切震動；當地動處，有五百億寶華；一一寶華，莊嚴高顯，如極樂世界。

9. 坐異觀音
坐時聖現

此菩薩坐時，七寶國土一時動搖。從下方金光佛剎，乃至上方光明王佛剎，於其中間無量塵數分身無量壽佛、分身觀世音、大勢至，皆悉雲集極樂國土，側塞空中，坐蓮華座，演說妙法，度苦眾生。

10. 辨觀邪正

作此觀者，名為正觀；若他觀者，名為邪觀。見大勢至菩薩，是為觀大勢至色身相，名第十一觀。

11. 修觀利益

觀此菩薩者，除無數劫阿僧祇生死之罪；

12. 重生後益

作是觀者，不處胞胎，常遊諸佛淨妙國土。

13. 總辨觀成

此觀成已，名為具足觀觀世音、大勢至。

十二、普觀

12. 普觀

1. 牒前生後

見此事時，

2. 作自生想

當起自心，生於西方極樂世界，於蓮華中結跏趺坐；作蓮華合想，作蓮華開想；蓮華開時，有五百色光來照身想，眼目開想，見佛菩薩滿虛空中，水鳥樹林及與諸佛，所出音聲皆演妙法。

3. 定散常憶

與十二部經合。若出定之時，憶持不失。

4. 觀成之益

見此事已，名見無量壽佛、極樂世界。

5. 總結

是為普觀想，名第十二觀。

6. 三身護念

無量壽佛化身無數，與觀世音及大勢至，常來至此行人之所。」

十三、雜想觀

13. 雜想觀

1. 正明告命
結勸生後

佛告阿難及韋提希：「若欲至心生西方者，

- 2. 觀像表真 先當觀於一丈六像，在池水上。
- 3. 境大心小 如先所說，無量壽佛身量無邊，非是凡夫心力所及；
- 4. 佛力觀成 然彼如來宿願力故，有憶想者必得成就。
- 5. 比較顯勝 但想佛像，得無量福，況復觀佛具足身相！
- 6. 佛像皆真
如意變現 阿彌陀佛神通如意，於十方國變現自在：或現大身，滿虛空中；或現小身，丈六八尺。
- 7. 光相同真 所現之形，皆真金色；圓光化佛及寶蓮華，如上所說。
- 8. 二侍身同 觀世音菩薩及大勢至，於一切處身同；
- 9. 勸觀二別 眾生但觀首相，知是觀世音，知是大勢至。
- 10. 三聖宿願 此二菩薩，助阿彌陀佛普化一切。
- 11. 總結 是為雜想觀，名第十三觀。」

散善

(二) 散善觀

上輩生

1. 上輩觀

上品上生

(1) 上品上生

1. 總明告命

佛告阿難及韋提希：「

2. 辨定其位

上品上生者：

3. 總舉有緣

若有眾生，願生彼國者，發三種心，即便往生。

4. 辨定正因

何等為三？

一者至誠心，

二者深心，

三者迴向發願心。

具三心者，必生彼國。

5. 正明簡機

復有三種眾生當得往生。

6. 正明象法

何等為三？

一者慈心不殺，具諸戒行；
二者讀誦大乘方等經典；
三者修行六念。

7. 迴向願生

迴向發願，願生彼國；

8. 修業延促

具此功德，一日乃至七日，即得往生。

9. 臨終聖接
報佛兼化

生彼國時，此人精進勇猛故，阿彌陀如來與觀世音、大勢至、無數化佛、百千比丘、聲聞大眾、無量諸天、七寶宮殿；觀世音菩薩執金剛臺，與大勢至菩薩至行者前。阿彌陀佛放大光明，照行者身，與諸菩薩授手迎接。觀世音、大勢至與無數菩薩，讚歎行者，勸進其心。行者見已，歡喜踴躍，自見其身乘金剛臺，隨從佛後，如彈指頃往生彼國。

10. 華開遲疾

生彼國已，

11. 華開得益

見佛色身眾相具足，見諸菩薩色相具足。光明寶林，演說妙法，聞已即悟無生法忍。經須臾間，歷事諸佛，遍十方界，於諸佛前，次第授記。還到本國，得無量百千陀羅尼門。

總結

是名上品上生者。

上品中生

(2) 上品中生

1. 總舉位名

上品中生者：

6. 正明受法

不必受持、讀誦方等經典；善解義趣，於第一義心不驚動；深信因果，不謗大乘；

8. 迴向願生

以此功德，迴向願求生極樂國。

9. 臨終聖接

行此行者，命欲終時，阿彌陀佛與觀世音、大勢至、無量大眾眷屬圍繞，持紫金臺，至行者前，讚言：『法子，汝行大乘，解第一義，是故我今來迎接汝。』

去時遲疾

與千化佛，一時授手。行者自見坐紫金臺，合掌叉手，讚歎諸佛，如一念頃，即生彼國七寶池中。

10. 華開遲疾

此紫金臺，如大寶華，經宿則開。行者身作紫磨金色，足下亦有七寶蓮華。

11. 華開得益

佛及菩薩俱時放光，照行者身。目即開明，因前宿習，普聞眾聲，純說甚深第一義諦。即下金臺，禮佛合掌，讚歎世尊。經於七日，應時即於阿耨多羅三藐三菩提，得不退轉；

他方得益

應時即能飛行遍至十方，歷事諸佛，於諸佛所，修諸三昧。經一小劫，得無生忍，現前授記。

總結

是名上品中生者。

上品下生

(3) 上品下生

1. 總舉位名

上品下生者：

6. 受法不同

亦信因果，不謗大乘，但發無上道心：

8. 迴向願生

以此功德，迴向願求生極樂國。

9. 臨終聖接

行者命欲終時，阿彌陀佛及觀世音、大勢至，與諸菩薩，持金蓮華，化作五百佛，來迎此人。五百化佛一時授手，讚言：『法子，汝今清淨，發無上道心，我來迎汝。』見此事時，即自見身坐金蓮華；坐已華合，隨世尊後，即得往生七寶池中。

10. 華開遲疾

一日一夜，蓮華乃開。

11. 華開得益

七日之中，乃得見佛；雖見佛身，於眾相好，心不明了。於三七日後乃了了見，聞眾音聲，皆演妙法；

他方得益

遊歷十方，供養諸佛，於諸佛前，聞甚深法。經三小劫，得百法明門，住歡喜地。

總結

是名上品下生者。
是名上輩生想，名第十四觀。」

中輩生

2. 中輩觀

中品上生

(1) 中品上生

1. 總明告命

佛告阿難及韋提希：「

2. 辨定其位

中品上生者：

6.5. 正明簡機
受法不同

若有眾生，受持五戒，持八戒齋，修行諸戒，不造五逆，無眾過患；

8. 迴向願生

以此善根，迴向願求生於西方極樂世界。

9. 臨終聖接

臨命終時，阿彌陀佛與諸比丘眷屬圍繞，放金色光，至其所，演說

苦、空、無常、無我，讚歎出家得離眾苦。行者見已，心大歡喜。自見己身坐蓮華臺，長跪合掌，為佛作禮。未舉頭頃，即得往生極樂世界。

10. 華開遲疾

蓮華尋開；

11. 華開得益

當華敷時，聞眾音聲讚歎四諦，應時即得阿羅漢道，三明六通，具八解脫。

總結

是名中品上生者。

中品中生

(2) 中品中生

2. 辨定其位

中品中生者：

5. 簡機受法

若有眾生，若一日一夜持八戒齋，若一日一夜持沙彌戒，若一日一夜持具足戒，威儀無缺；

8. 迴向願生

以此功德，迴向願求生極樂國。

9. 臨終聖接

戒香熏修，如此行者，命欲終時，見阿彌陀佛與諸眷屬，放金色光，持七寶蓮華，至行者前。行者自聞空中有聲，讚言：『善男子，如汝善人，隨順三世諸佛教故，我來迎汝。』行者自見坐蓮華上，蓮華即合，生於西方極樂世界，在寶池中。

10. 華開遲疾

經於七日，蓮華乃敷；

11. 華開得益

華既敷已，開目合掌，讚歎世尊；聞法歡喜，得須陀洹。經半劫已，成阿羅漢。

總結

是名中品中生者。

中品下生

(3) 中品下生

2. 辨定其位

中品下生者：

5. 簡機受法

若有善男子、善女人，孝養父母，行世仁慈。

8. 臨終遇法

此人命欲終時，遇善知識，為其廣說阿彌陀佛國土樂事，亦說法藏比丘四十八願；

四十八願

9. 臨終聖接

聞此事已，尋即命終，譬如壯士屈伸臂頃，即生西方極樂世界。

10. 華開遲疾

經七日已，

11. 華開得益

遇觀世音及大勢至，聞法歡喜，得須陀洹。過一小劫，成阿羅漢。

總結

是名中品下生者。

是名中輩生想，名第十五觀。」

下輩生

3. 下輩觀

下品上生

(1) 下品上生

1. 正明告命

佛告阿難及韋提希：「

2. 辨定其位

下品上生者：

5. 簡機造惡

或有眾生，作眾惡業；雖不誹謗方等經典，如此愚人多造惡法，無有慚愧。

8. 臨終遇法
六字佛名
一稱往生

命欲終時，遇善知識，為說大乘十二部經首題名字；以聞如是諸經名故，除卻千劫極重惡業。智者復教合掌叉手，稱「南無阿彌陀佛」；稱佛名故，除五十億劫生死之罪。

9. 臨終聖接
稱佛名故
諸罪消滅
我來迎汝

爾時彼佛即遣化佛、化觀世音、化大勢至，至行者前，讚言：『善男子，以汝稱佛名故，諸罪消滅，我來迎汝。』作是語已，行者即見化佛光明遍滿其室；見已歡喜，即便命終，乘寶蓮華，隨化佛後，生寶池中。

10. 華開運疾

經七七日，蓮華乃敷；

11. 華開得益

當華敷時，大悲觀世音菩薩及大勢至菩薩，放大光明，住其人前，為說甚深十二部經；聞已信解，發無上道心。經十小劫，具百法明門，

得入初地。

總結

是名下品上生者。

重舉行益

得聞佛名、法名，及聞僧名；聞三寶名，即得往生。」

下品中生

(2)下品中生

1. 總明告命

佛告阿難及韋提希：「

2. 辨定其位

下品中生者：

5. 簡機造業

或有眾生，毀犯五戒、八戒及具足戒；如此愚人，偷僧祇物，盜現前僧物，不淨說法，無有慚愧，以諸惡業而自莊嚴。如此罪人，以惡業故，應墮地獄。

定入地獄

8. 臨終遇法

命欲終時，地獄眾火一時俱至。遇善知識，以大慈悲，即為讚說阿彌陀佛十力威德，廣讚彼佛光明神力，亦讚戒、定、慧、解脫、解脫知

- 聞名往生
- 9. 臨終聖接
- 10. 華開遲疾
- 11. 華開得益

見。此人聞已，除八十億劫生死之罪。地獄猛火化為清涼風，吹諸天華。華上皆有化佛菩薩，迎接此人。如一念頃，即得往生。

七寶池中，蓮華之內，經於六劫，

蓮華乃敷，觀世音、大勢至以梵音聲安慰彼人，為說大乘甚深經典；聞此法已，應時即發無上道心。

總結

是名下品中生者。』

下品下生

(3)下品下生

- 1. 總明告命
- 2. 辨定其位
- 5. 簡機造惡
獄報無窮

佛告阿難及韋提希：「

下品下生者：

或有眾生，作不善業，五逆十惡，具諸不善。如此愚人，以惡業故，應墮惡道，經歷多劫，受苦無窮。

- 8. 臨終遇法
苦逼失念
- 轉教口稱
- 十聲往生
六字佛名

如此愚人，臨命終時，遇善知識，種種安慰，為說妙法，教令念佛。彼人苦逼，不遑念佛。

善友告言：『汝若不能念彼佛者，應稱無量壽佛。』

如是至心，令聲不絕，具足十念，稱南無阿彌陀佛。

稱佛名故，於念念中，除八十億劫生死之罪。

- 9. 臨終聖接
金蓮如日

命終之時，見金蓮華，猶如日輪，住其人前；如一念頃，即得往生極樂世界。

- 10. 華開遲疾

於蓮華中，滿十二大劫，蓮華方開，

- 11. 華開得益

觀世音、大勢至，以大悲音聲，為其廣說諸法實相、除滅罪法；聞已歡喜，應時即發菩提之心。

總結

是名下品下生者。

是名下輩生想，名第十六觀。』

得益分

【三、得益分】

- 1. 勝前生後
- 2. 能聞法人
- 3. 光臺見國
- 4. 韋提得忍
- 5. 侍女求生
- 6. 侍女蒙記
- 7. 諸天發心

說是語時，
 韋提希與五百侍女聞佛所說，
 應時即見極樂世界廣長之相，
 得見佛身及二菩薩，心生歡喜，歎未曾有，豁然大悟，逮無生忍。
 五百侍女發阿耨多羅三藐三菩提心，願生彼國。
 世尊悉記，皆當往生；生彼國已，獲得諸佛現前三昧。
 無量諸天，發無上道心。

流通分

【四、流通分】

- 1. 請發之由
- 2. 答問經名
- 3. 答問受持
- 4. 念觀比較
聞名除罪
何況憶念
- 5. 絕讚念佛
芬陀華喻
之二聖為友
之文
- 6. 唯囑持名
之文
- 7. 聞皆喜躍

爾時阿難即從座起，白佛言：「世尊，當何名此經？此法之要，當云何受持？」
 佛告阿難：「此經名《觀極樂國土無量壽佛觀世音菩薩大勢至菩薩》，亦名《淨除業障生諸佛前》。
 汝當受持，無令忘失。
 行此三昧者，現身得見無量壽佛及二大士。若善男子及善女人，但聞佛名、二菩薩名，除無量劫生死之罪，何況憶念！
 若念佛者，當知此人，則是人中芬陀利華；
 觀世音菩薩、大勢至菩薩，為其勝友；當坐道場，生諸佛家。」
 佛告阿難：「汝好持是語，持是語者，即是持無量壽佛名。」
 佛說此語時，尊者目犍連、尊者阿難及韋提希等，聞佛所說，皆大歡喜。

耆闍分

【五、耆闍分】

1. 序分
步空還山

爾時世尊，足步虛空，還耆闍崛山。

2. 正宗分

爾時阿難，廣為大眾說如上事。

3. 流通分

無量諸天，及龍、夜叉，聞佛所說，皆大歡喜，禮佛而退。

佛說觀無量壽經

附 錄

一、大勢至菩薩念佛圓通章

唐天竺沙門 般刺密帝 譯

大勢至法王子，與其同倫五十二菩薩，即從座起，頂禮佛足，而白佛言：

我憶往昔，恆河沙劫，有佛出世，名無量光；十二如來，相繼一劫。其最後佛，名超日月光；彼佛教我，念佛三昧。

譬如有人，一專為憶，一人專忘；如是二人，若逢不逢，或見非見。

二人相憶，二憶念深；如是乃至，從生至生，同於形影，不相乖異。

十方如來，憐念眾生，如母憶子；若子逃逝，雖憶何為？

子若憶母，如母憶時，母子歷生，不相違遠。

若眾生心，憶佛念佛，現前當來，必定見佛，去佛不遠；不假方便，


自得心開。

如染香人，身有香氣；此則名曰：香光莊嚴。

我本因地，以念佛心，入無生忍；今於此界，攝念佛人，歸於淨土。

佛問圓通，我無選擇；都攝六根，淨念相繼，得三摩地，斯為第一。

二、淨土宗成佛因果



曇鸞大師《往生論註》云（《聖教集》三三五頁）：

問曰：有何因緣，言「速得成就阿耨多羅三藐三菩提」？

答曰：……覈求其本，阿彌陀如來為增上緣。


凡是生彼淨土，及彼菩薩、人天所起諸行，皆緣阿彌陀如來本願力故。

何以言之？若非佛力，四十八願便是徒設。


今的取三願（第十八願、第十一願、第二十二願），用證義意。

以斯而推，他力為增上緣，得不然乎！


愚哉，後之學者！聞他力可乘，當生信心，勿自局分也。



三、《大經》三要文



四、第十八願（因願）與成就文（果力）對照表



五、《大經》十要文

1 《大經》「釋尊出世本懷文」(《聖教集》五七頁)：

如來以無盡大悲，矜哀三界，所以出興於世，
光闡道教，欲拯濟群萌，惠以真實之利。

2 《大經》「第十八願」之文(《聖教集》六六頁)：

設我得佛，十方眾生，至心信樂，欲生我國，乃至十念，
若不生者，不取正覺；唯除五逆，誹謗正法。

3 《大經》「第十八願成就文」(《聖教集》九一頁)：

諸有眾生，聞其名號，信心歡喜，乃至一念，
至心迴向，願生彼國，即得往生，住不退轉；
唯除五逆，誹謗正法。

4 《大經》「流通分」之文(《聖教集》一三三頁)：

其有得聞彼佛名號，歡喜踴躍乃至一念，
當知此人為得大利，則是具足無上功德。

5 《大經》「第十八願成就偈」(《聖教集》九六頁)：

其佛本願力，聞名欲往生，皆悉到彼國，自致不退轉。

6 《大經》「彌陀最尊第一」之文(《聖教集》七七頁)：

無量壽佛，威神光明最尊第一，諸佛光明所不能及。

7 《大經》「超絕橫截」之文(《聖教集》一〇五頁)：

必得超絕去，往生安樂國；橫截五惡道，惡道自然閉。
昇道無窮極，易往而無人；其國不逆違，自然之所牽。

⁸ 《大經》「特留此經」之文（《聖教集》一三四頁）：

當來之世，經道滅盡，我以慈悲哀愍，特留此經，止住百歲。
其有眾生，值斯經者，隨意所願，皆可得度。

⁹ 《大經》「過火聞法」之偈（《聖教集》九七頁）：

設滿世界火，必過要聞法，
會當成佛道，廣度生死流。

¹⁰ 《大經》「過火聞法」之文（《聖教集》一三三、一三四頁）：

設有大火，充滿三千大千世界，要當過此，聞是經法。
所以者何？多有菩薩，欲聞此經而不能得。
若有眾生，聞此經者，於無上道終不退轉。
若聞斯經，信樂受持，難中之難，無過此難！

六、三經祖論摘要

《大經》摘要（含同本異譯）（增減在人）

¹ 如來以無盡大悲，矜哀三界，所以出興於世，
光闡道教，欲拯濟群萌，惠以真實之利。（《聖教集》五七頁）

² 超發無上殊勝之願：

具足五劫，思惟攝取莊嚴佛國清淨之行。

於不可思議兆載永劫，積植菩薩無量德行。（《聖教集》六三、七三頁）

³ 不生欲覺、瞋覺、害覺，不起欲想、瞋想、害想，不著色、聲、香、
味、觸、法。

忍力成就，不計眾苦。少欲知足，無染恚痴。

三昧常寂，智慧無礙。無有虛偽諂曲之心。

- 和顏愛語，先意承問。勇猛精進，志願無倦。
專求清白之法，以惠利群生。
恭敬三寶，奉事師長。以大莊嚴具足眾行，令諸眾生功德成就。
住空、無相、無願之法，無作，無起，觀法如化。
遠離粗言自害害彼、彼此俱害，
修習善語自利利人、人我兼利。
棄國捐王，絕去財色。自行六波羅密，教人令行。
無央數劫，積功累德。（《聖教集》七三、七四頁）
- ⁴ 為諸庶類，作不請之友；荷負群生，為之重擔。
以不請之法，施諸黎庶。如純孝之子，愛敬父母。
於諸眾生，視若自己。（《聖教集》五五頁）
- ⁵ 眾生苦惱我苦惱，眾生安樂我安樂。（《維摩經》取意）
- ⁶ 但願眾生得離苦，不為自己求安樂。（《華嚴經》）
- ⁷ 輪迴諸趣眾生類，速生我刹受快樂。
常運慈心拔有情，度盡阿鼻苦眾生。（《莊嚴經》）
- ⁸ 吾誓得佛，普行此願，一切恐懼，為作大安。（《聖教集》六一頁）
- ⁹ 令我於世，速成正覺，拔諸生死，勤苦之本。（《聖教集》六二頁）
- ¹⁰ 拔人勤苦，生死根本，悉令如佛。（《平等覺經》）
- ¹¹ 令我作佛，國土第一，其眾奇妙，道場超絕。國如泥洹，而無等雙。
我當哀愍，度脫一切。十方來生，心悅清淨，已至我國，快樂安穩。
（《聖教集》六一頁）
- ¹² 三惡道中，地獄餓鬼畜生，皆生我刹，受我法化，不久悉成佛。
（《莊嚴經》）

- ¹³ 諸天人民，蜎飛蠕動之類，聞我名字，莫不慈心，歡喜踴躍者，皆令來生我國。（《大阿彌陀經》）
- ¹⁴ 我建超世願，必至無上道，斯願不滿足，誓不成等覺。
我於無量劫，不為大施主，普濟諸貧苦，誓不成等覺。
我至成佛道，名聲超十方，究竟有不聞，誓不成等覺。
（《聖教集》七二頁）
- ¹⁵ 我若成正覺，立名無量壽，眾生聞此號，俱來我剎中；
如佛金色身，妙相悉圓滿，亦以大悲心，利益諸群品。（《莊嚴經》）
- ¹⁶ 心或不堪常行施，廣濟貧窮免諸苦，
利益世間使安樂，不成救世之法王。
能救一切諸世間，生老病死眾苦惱。（《如來會》）
- ¹⁷ 唯佛獨是眾生父，於煩惱火而救拔。（《大集月藏經》）
- ¹⁸ 為眾開法藏，廣施功德寶，常於大眾中，說法師子吼。（《聖教集》七二頁）
- ¹⁹ 必得超絕去，往生安樂國；橫截五惡道，惡道自然閉。
昇道無窮極，易往而無人；其國不逆違，自然之所牽。
（《聖教集》一〇五頁）
- ²⁰ 速疾超便可到，安樂國之世界，至無量光明土，供養於無數佛。
（《如來會》）
- ²¹ 已曾供養無數諸佛，次如彌勒者也。（《聖教集》一三〇頁）
- ²² 前後供養，無央數諸佛，以次如彌勒，皆當作佛。（《大阿彌陀經》）
- ²³ 三十二相，八十種好，皆令如佛。說經行道皆如佛。（《大阿彌陀經》）
- ²⁴ 彼佛國土，清淨安穩，微妙快樂，次於無為泥洹之道。
其諸聲聞、菩薩、天人，智慧高明，神通洞達，咸同一類，

形無異狀；但因順餘方，故有天人之名。

顏貌端正，超世稀有，容色微妙，非天非人，

皆受自然虛無之身、無極之體。（《聖教集》八七頁）

²⁵此二菩薩，現居此界，作大利樂，命終之後，往生彼國。（《莊嚴經》）

²⁶設我得佛，國中天人，不住定聚，必至滅度者，不取正覺。

（《聖教集》六五頁）

²⁷若我成佛，國中有情，若不決定成等正覺，證大涅槃者，不取菩提。

（《如來會》）

²⁸其有眾生，生彼國者，皆悉住於，正定之聚。

所以者何？彼佛國中，無諸邪聚，及不定聚。（《聖教集》九一頁）

²⁹彼國眾生，若當生者，皆悉究竟，無上菩提，到涅槃處。何以故？

若邪定聚，及不定聚，不能了知建立彼因故。（《如來會》）

³⁰其有眾生，若當生者，皆悉住於，正定之聚。

生彼國者，皆悉究竟，無上菩提，到涅槃處。

何以故？若邪定聚，及不定聚，不能了知建立彼因故。（《大經》取意）

³¹設我得佛，十方世界，無量諸佛，不悉咨嗟，稱我名者，不取正覺。

（《聖教集》六六頁）

³²十方恆沙，諸佛如來，皆共讚歎，無量壽佛，威神功德不可思議。

（《聖教集》九一頁）

³³設我得佛，十方眾生，至心信樂，欲生我國，

乃至十念，若不生者，不取正覺；唯除五逆，誹謗正法。

（《聖教集》六六頁）

³⁴諸有眾生，聞其名號，信心歡喜，乃至一念，

至心迴向，願生彼國，即得往生，住不退轉；

唯除五逆，誹謗正法。（《聖教集》九一頁）

- ³⁵ 其有得聞彼佛名號，歡喜踴躍乃至一念，
當知此人為得大利，則是具足無上功德。（《聖教集》一三三頁）
- ³⁶ 其佛本願力，聞名欲往生，皆悉到彼國，自致不退轉。（《聖教集》九六頁）
- ³⁷ 彼佛如來，來無所來，去無所去，無生無滅，非過現未來；
但以酬願度生，現在西方。（《莊嚴經》）
- ³⁸ 「華光出佛」：普為十方說微妙法。（《聖教集》九〇頁）
（現往東方，為眾說法……南西北方，四維上下，亦復如是。）（《如來會》）
- ³⁹ 十方諸刹土，眾生菩薩中，所有法報佛，化身及變化，皆從無量壽，
極樂界中出。（七卷《楞伽經》卷六）
- ⁴⁰ 威神光明最尊第一，諸佛光明所不能及。（《聖教集》七七頁）
- ⁴¹ 諸佛中之王也，光明中之極尊也。（《大阿彌陀經》）
- ⁴² 若有慈敬於佛者，實為大善。天下久久，乃復有佛。（《聖教集》一一一頁）
- ⁴³ 佛所遊履，國邑丘聚，靡不蒙化。
天下和順，日月清明，風雨以時，災厲不起。
國豐民安，兵戈無用，崇德興仁，務修禮讓。（《聖教集》一二四頁）
- ⁴⁴ 佛言：我哀愍汝等諸天人民，甚於父母念子。（《聖教集》一二四頁）
- ⁴⁵ 當來之世，經道滅盡，我以慈悲哀愍，特留此經，止住百歲。
其有眾生，值斯經者，隨意所願，皆可得度。（《聖教集》一三四頁）
- ⁴⁶ 設有大火，充滿三千大千世界，要當過此，聞是經法，
歡喜信樂，受持讀誦，如說修行。
所以者何？多有菩薩，欲聞此經，而不能得。
若有眾生，聞此經者，於無上道，終不退轉。
若聞斯經，信樂受持，難中之難，無過此難！（《聖教集》一三三、一三四頁）

⁴⁷ 設滿世界火，必過要聞法，會當成佛道，廣度生死流。

(《聖教集》九七頁)

⁴⁸ 如來所應作者，皆已作之。

我今爲大囑累，當令是法，久住不滅。(《如來會》)

⁴⁹ 又阿逸多：令此教法，不使消滅，永作偉大贈物。(梵文《大經》)

《觀經》摘要

¹ 諸佛如來是法界身，入一切眾生心想中。(《聖教集》一五七頁)

² 光明遍照十方世界，念佛眾生攝取不捨。(《聖教集》一五九頁)

³ 佛心者，大慈悲是，以無緣慈，攝諸眾生。(《聖教集》一六〇頁)

⁴ 無量壽佛化身無數，與觀世音及大勢至，常來至此行人之所。

(《聖教集》一六五頁)

⁵ 如是至心，令聲不絕，具足十念，稱南無阿彌陀佛。

稱佛名故，於念念中，除八十億劫生死之罪。(《聖教集》一七九頁)

⁶ 若念佛者，當知此人，則是人中芬陀利華；

觀世音菩薩、大勢至菩薩，爲其勝友；

當坐道場，生諸佛家。(《聖教集》一八一頁)

- ⁷ 佛告阿難：「汝好持是語，持是語者，即是持無量壽佛名。」
(《聖教集》一八一頁)
- ⁸ 「汝是凡夫，心想羸劣」，顯示「凡夫為本」。(《聖教集》一四七頁)
- ⁹ 「以佛力故，見彼佛土」，顯示「佛力救度」。(《聖教集》一四七頁)
- ¹⁰ 「若佛滅後，諸眾生等濁惡不善，五苦所逼。」
顯示「惡苦眾生」是「往生正機」。(《聖教集》一四七頁)

《小經》摘要

- ¹ 彼土何故名為極樂？
其國眾生，無有眾苦，但受諸樂，故名極樂。(《聖教集》四頁)
- ² 彼佛光明無量，照十方國無所障礙，是故號為阿彌陀。(《聖教集》七頁)
- ³ 彼佛壽命及其人民，無量無邊阿僧祇劫，故名阿彌陀。(《聖教集》七頁)
- ⁴ 極樂國土眾生生者，皆是阿鞞跋致，其中多有一生補處。(《聖教集》八頁)
- ⁵ 眾生聞者，應當發願，願生彼國。(《聖教集》八頁)
聞是說者，應當發願，生彼國土。(《聖教集》一〇頁)
若有信者，應當發願，生彼國土。(《聖教集》一三頁)
- ⁶ 不可以少善根福德因緣得生彼國。(《聖教集》九頁)
- ⁷ 眾生不因此世，所作善行，得生彼國。(梵文《阿彌陀經》)

- ⁸ 聞說阿彌陀佛，執持名號……一心不亂。（《聖教集》九頁）
- ⁹ 其人臨命終時，阿彌陀佛與諸聖眾現在其前；
是人終時，心不顛倒，即得往生阿彌陀佛極樂國土。（《聖教集》九頁）
- ¹⁰ 汝等眾生，當信是《稱讚不可思議功德一切諸佛所護念經》。
（共六次）（《聖教集》一〇頁）
- ¹¹ 聞是經受持者，及聞諸佛名者，是諸善男子、善女人，
皆為一切諸佛之所護念，皆得不退轉於阿耨多羅三藐三菩提。
（《聖教集》一三頁）
- ¹² 是故舍利弗，汝等皆當信受我語及諸佛所說。（《聖教集》一三頁）
- ¹³ 欲生阿彌陀佛國者，是諸人等，皆得不退轉於阿耨多羅三藐三菩提。
（《聖教集》一三頁）
- ¹⁴ 為諸眾生說是一切世間難信之法。
為一切世間說此難信之法，是為甚難！（《聖教集》一四頁）

《易行品》摘要

- ¹ 佛法有無量門：如世間道，有難有易；陸道步行則苦，水道乘船則樂。
菩薩道亦如是：或有勤行精進，或有以信方便，易行疾至阿惟越致者。
（《聖教集》一八八頁）
- ² 若人欲疾至，不退轉地者，應以恭敬心，執持稱名號。（《聖教集》一八九頁）
- ³ 阿彌陀佛本願如是：若人念我，稱名自歸，即入必定，得阿耨多羅
三藐三菩提；是故常應憶念。（《聖教集》一九六頁）
- ⁴ 人能念是佛，無量力功德，即時入必定，是故我常念。（《聖教集》一九六頁）
- ⁵ 若人種善根，疑則華不開，信心清淨者，華開則見佛。（《聖教集》一九七頁）
- ⁶ 乘彼八道船，能度難度海，自度亦度彼，我禮自在者。（《聖教集》一九八頁）
- ⁷ 於南天國中，有大德比丘，名龍樹菩薩，能破有無見，為人說我乘，
大乘無上法，證得歡喜地，往生安樂國。（楞伽懸記文，十卷《楞伽經》卷九）

《往生論》摘要

¹ 世尊我一心，歸命盡十方，無礙光如來，願生安樂國。
 我依修多羅，真實功德相，說願偈總持，與佛教相應。
 觀彼世界相，勝過三界道。究竟如虛空，廣大無邊際。
 備諸珍寶性，具足妙莊嚴。無垢光炎熾，明淨曜世間。
 佛慧明淨日，除世癡闇冥。如來淨華眾，正覺華化生。
 愛樂佛法味，禪三昧為食。永離身心惱，受樂常無間。
 眾生所願樂，一切能滿足。故我願生彼，阿彌陀佛國。
 觀佛本願力，遇無空過者，能令速滿足，功德大寶海。
 我作論說偈，願見彌陀佛，普共諸眾生，往生安樂國。

（《聖教集》二二二—二二四頁）

² 稱彼如來名，如彼如來光明智相，如彼名義，欲如實修行相應故。
 （《聖教集》二二四頁）

《往生論註》摘要

¹ 難行道者……唯是自力，無他力持。譬如陸路，步行則苦。
 易行道者：謂但以信佛因緣，願生淨土，乘佛願力，使得往生彼清淨土；
 佛力住持，即入大乘正定之聚，正定即是阿毗跋致。譬如水路，乘船
 則樂。（《聖教集》二三〇頁）

² 有何因緣，言「速得成就阿耨多羅三藐三菩提」？
 覈求其本，阿彌陀如來為增上緣。
 凡是生彼淨土，及彼菩薩、人天所起諸行，皆緣阿彌陀如來本願力
 故。何以言之？若非佛力，四十八願便是徒設。
 今的取三願，用證義意：
 緣佛願力故，十念念佛，使得往生。

以斯而推，他力爲增上緣，得不然乎！

愚哉，後之學者！聞他力可乘，當生信心，勿自局分也。

（《聖教集》三三五—三三七頁）

³無礙光如來名號，能破眾生一切無明，能滿眾生一切志願。

（《聖教集》二八四頁）

⁴經言「十念」者，明業事成辦耳，不必須知頭數也。

如言「蟪蛄不識春秋」，伊蟲豈知朱陽之節乎！知者言之耳。

十念業成者，是亦通神者言之耳。（《聖教集》二八〇頁）

⁵非常之言，不入常人之耳。能神者神之耳。（《聖教集》三〇四、三一五頁）

⁶此指共何等眾生耶？案此而言，一切外凡夫人，皆得往生。

（《聖教集》二七四、二七五頁）

⁷但令不誹謗正法，信佛因緣，皆得往生。（《聖教集》二七六頁）

⁸《無量壽經》言：「願往生者，皆得往生。」（《聖教集》二七六頁）

⁹《觀無量壽經》言：「作五逆十惡，具諸不善，亦得往生。」

（《聖教集》二七六頁）

¹⁰經言：若人但聞彼國土清淨安樂，剋念願生，亦得往生，即入正定聚。

此是國土名字爲佛事，安可思議！（《聖教集》三〇〇頁）

¹¹有凡夫人煩惱成就，亦得生彼淨土，三界繫業畢竟不牽。

則是不斷煩惱得涅槃分，焉可思議！（《聖教集》二九二頁）

《安樂集》摘要

《大經》云：「若有眾生，縱令一生造惡，臨命終時，十念相續，稱我名字，若不生者，不取正覺。」

又復，一切眾生，都不自量：

若據大乘，真如實相第一義空，曾未措心；

若論小乘，修入見諦、修道，乃至那含、羅漢，斷五下，除五上，無問道俗，未有其分；

縱有人天果報，皆為五戒十善能招此報，然持得者甚稀；

若論起惡造罪，何異暴風駛雨。

是以諸佛大慈，勸歸淨土。

縱使一形造惡，但能繫意專精，常能念佛，一切諸障自然消除，定得往生。

何不思量，都無去心也！（《聖教集》四〇八頁）

善導大師法語（一）

善導信願行之側重——以行立信，以行滿願

一、信之文

《觀經疏》「二種深信」之文（《聖教集》六四七頁）：

一者決定深信：自身現是罪惡生死凡夫，曠劫以來常沒常流轉，無有出離之緣。

二者決定深信：彼阿彌陀佛四十八願，攝受眾生；無疑無慮，乘彼願力，定得往生。

二、信·行之文

《往生禮讚》「光號攝化」之文（《聖教集》八五九頁）：

彌陀世尊，本發深重誓願，以光明名號攝化十方，

但使信心求念，上盡一形，下至十聲、一聲等，以佛願力，易得往生。

《往生禮讚》「二種深信」之文（《聖教集》八五五頁）：

信知自身是具足煩惱凡夫，善根薄少，流轉三界，不出火宅；
今信知彌陀本弘誓願，及稱名號，下至十聲、一聲等，定得往生。
乃至一念無有疑心，故名深心。

三、信·願·行之文

《觀經疏·玄義分》「乘佛願力」之文（《聖教集》四六六頁）：

一心信樂，求願往生，上盡一形，下收十念，乘佛願力，莫不皆往。

四、願·行之文

¹ 《觀經疏·玄義分》「本願取意」之文（《聖教集》四八四頁）：

若我得佛，十方眾生，稱我名號，願生我國，下至十念，
若不生者，不取正覺。

² 《觀念法門》「乘佛願力」之文（《聖教集》八三四頁）：

若我成佛，十方眾生，願生我國，稱我名字，下至十聲，
乘我願力，若不生者，不取正覺。

³ 《觀念法門》「造罪迴心」之文（《聖教集》八三九頁）：

一切造罪凡夫，但迴心念阿彌陀佛，願生淨土，
上盡百年，下至七日、一日，十聲、三聲、一聲等，
命欲終時，佛與聖眾自來迎接，即得往生。

五、行之文

¹ 《觀經疏》「弘願文」（《聖教集》四五九頁）：

言「弘願」者，如《大經》說：一切善惡凡夫得生者，莫不皆乘
阿彌陀佛大願業力為增上緣也。

² 《觀經疏》「要弘廢立」(念觀廢立)之文(《聖教集》七一〇頁)：

雖說定散兩門之益，望佛本願，意在眾生一向專稱彌陀佛名。

³ 《觀念法門》「三輩專念」之文(《聖教集》八三五頁)：

佛說一切眾生根性不同，有上中下，

隨其根性，佛皆勸專念無量壽佛名；

其人命欲終時，佛與聖眾自來迎接，盡得往生。

⁴ 《觀經疏》「六字釋」之文(《聖教集》四八三頁)：

言「南無」者，即是歸命，亦是發願迴向之義；

言「阿彌陀佛」者，即是其行；以斯義故，必得往生。

⁵ 《觀經疏》「唯明專念」之文(《聖教集》六一五頁)：

《無量壽經》四十八願中，唯明專念彌陀名號得生。

⁶ 《往生禮讚》「四十八字願成釋」之文(《聖教集》九一五頁)：

若我成佛，十方眾生，稱我名號，下至十聲，若不生者，不取正覺；

彼佛今現，在世成佛，當知本誓，重願不虛，眾生稱念，必得往生。

⁷ 《觀經疏·玄義分》「莫不皆往」之文(《聖教集》四八三頁)：

上盡一形，下至十念，以佛願力，莫不皆往，故名易也。

⁸ 《觀經疏》「不問罪福」之文(《聖教集》六五二頁)：

一切凡夫，不問罪福多少、時節久近，但能上盡百年，下至一日、

七日，一心專念彌陀名號，定得往生，必無疑也！

⁹ 《觀經疏》「正定業」之文(《聖教集》六五三頁)：

一心專念彌陀名號，行住坐臥，不問時節久近，

念念不捨者，是名正定之業，順彼佛願故。

¹⁰ 《往生禮讚》「念佛必生」之文(《聖教集》九一六頁)：

若有眾生稱念阿彌陀佛，若七日及一日，下至十聲，乃至一聲、一念等，必得往生。

¹¹ 《往生禮讚》「百即百生」之文（《聖教集》八六〇、八六一頁）：

念念相續，畢命爲期者，十即十生，百即百生。

何以故？無外雜緣得正念故；與佛本願得相應故；不違教故；隨順佛語故。

若欲捨專修雜業者，百時稀得一二，千時稀得三五。

但使專意作者，十即十生；修雜不至心者，千中無一。

¹² 《觀經疏》「念佛延促」之文（《聖教集》六六三頁）：

上盡一形，下至一日、一時、一念等；

或從一念、十念，至一時、一日、一形。

大意者：一發心以後，誓畢此生，無有退轉，唯以淨土爲期。

善導大師法語（二）

¹ 要弘二門判（《聖教集》四五九頁）：

娑婆化主，因其請故，即廣開淨土之要門；

安樂能人，顯彰別意之弘願。

其「要門」者，即此《觀經》定散二門是也。

定即息慮以凝心，散即廢惡以修善；迴斯二行，求願往生也。

言「弘願」者，如《大經》說：一切善惡凡夫得生者，莫不皆乘阿彌陀佛大願業力爲增上緣也。

² 光攝三緣文（《聖教集》六一四頁）：

問曰：備修眾行，但能迴向，皆得往生；何以佛光普照，唯攝念佛者，有何意也？

答曰：此有三義：

一明「親緣」：眾生起行，口常稱佛，佛即聞之；身常禮敬佛，佛即見之；心常念佛，佛即知之。眾生憶念佛者，佛亦憶念眾生，彼此三業不相捨離，故名「親緣」也。

二明「近緣」：眾生願見佛，佛即應念現在目前，故名「近緣」也。

三明「增上緣」：眾生稱念，即除多劫罪；命欲終時，佛與聖眾自來迎接；諸邪業繫無能礙者，故名「增上緣」也。

自餘眾行，雖名是善，若比念佛者，全非比較也。

是故諸經中，處處廣讚念佛功能。

如《無量壽經》四十八願中，唯明專念彌陀名號得生。

又如《彌陀經》中，一日、七日專念彌陀名號得生。

又十方恆沙諸佛證誠不虛也。

又此《經》定散文中，唯標專念名號得生。

此例非一也。

³ 唯攝念佛文（《聖教集》八六二頁）：

彼佛光明無量，照十方國，無所障礙，
唯觀念佛眾生，攝取不捨，故名阿彌陀。

⁴ 不攝雜業文（《聖教集》八二五頁）：

但有專念阿彌陀佛眾生，彼佛心光常照是人，攝護不捨；
總不論照攝餘雜業行者。

⁵ 不遭九橫文（《聖教集》八二一頁）：

稱念阿彌陀佛，願生淨土者，
現生即得延年轉壽，不遭九橫之難。

⁶ 念佛超絕文（《聖教集》七〇八頁）：

念佛三昧功能超絕，實非雜善得為比類。

⁷五種嘉譽文（《聖教集》七〇九頁）：

若念佛者，即是人中好人，人中妙好人，
人中上上人，人中稀有人，人中最勝人也。

⁸二聖為友文（《聖教集》七〇九頁）：

專念彌陀名者，即觀音、勢至，常隨影護，亦如親友知識。

⁹溺水偏救文（《聖教集》四七二頁）：

諸佛大悲於苦者，心偏愍念常沒眾生，是以勸歸淨土。
亦如溺水之人急須偏救，岸上之者何用濟為？

¹⁰正念直來文（《聖教集》六五七頁）：

汝一心正念直來，我能護汝！眾不畏墮於水火之難。

¹¹迴心皆往生（《聖教集》七二六頁）：

以佛願力，五逆十惡，罪滅得生；謗法闡提，迴心皆往。

¹²凡夫入報文（《聖教集》四八七頁）：

問曰：彼佛及土，既言報者，報法高妙，小聖難階，垢障凡夫，
云何得入？

答曰：若論眾生垢障，實難欣趣；

正由託佛願以作強緣，致使五乘齊入。

¹³善惡皆生文（《聖教集》七二六頁）：

人天善惡，皆得往生；到彼無殊，齊同不退。

¹⁴凡聖齊同文（《聖教集》七一九頁）：

他方凡聖，乘願往來，到彼無殊，齊同不退。

¹⁵何況聖人文（《聖教集》八四〇頁）：

一切罪惡凡夫尚蒙罪滅，證攝得生，
何況聖人願生，而不得去也？

- ¹ 弘誓多門四十八，偏標念佛最為親；
人能念佛佛還念，專心想佛佛知人。（《聖教集》七三九頁）
- ² 極樂無為涅槃界，隨緣雜善恐難生；
故使如來選要法，教念彌陀專復專。（《聖教集》七七五頁）
- ³ 彌陀身色如金山，相好光明照十方；
唯有念佛蒙光攝，當知本願最為強。（《聖教集》九〇五頁）
六方如來舒舌證，專稱名號至西方；
到彼華開聞妙法，十地願行自然彰。（《聖教集》九〇六頁）
- ⁴ 相好彌多八萬四，一一光明照十方；
不為餘緣光普照，唯覓念佛往生人。（《聖教集》九五〇頁）
- ⁵ 如來出現於五濁，隨宜方便化群萌，
或說多聞而得度，或說少解證三明，
或教福慧雙除障，或教禪念坐思量，
- 種種法門皆解脫，無過念佛往西方，
上盡一形至十念，三念五念佛來迎，
直為彌陀弘誓重，致使凡夫念即生。（《聖教集》七八七頁）
- ⁶ 一切善業迴生利，不如專念彌陀號；
念念稱名常懺悔，人能念佛佛還憶。（《聖教集》九四五頁）
- ⁷ 萬行俱迴皆得往，念佛一行最為尊，
迴生雜善恐力弱，無過一日七日念。（《聖教集》九五〇頁）
- ⁸ 門門不同八萬四，為滅無明果業因，
利劍即是彌陀號，一聲稱念罪皆除。（《聖教集》九二四頁）
謗法闡提行十惡，迴心念佛罪皆除。（《聖教集》九六三頁）
- ⁹ 普勸有緣常念佛，觀音大勢為同學。
若能念佛人中上，願得同生諸佛家。（《聖教集》九六五頁）

- ¹⁰ 既見華臺心踴躍，從佛逍遙歸自然，
自然即是彌陀國，無漏無生還即真，
行來進止常隨佛，證得無爲法性身。 (《聖教集》七六六頁)
- ¹¹ 四種威儀常見佛，行來進止駕神通，
六識縱橫自然悟，未藉思量一念功。 (《聖教集》七七三頁)
- ¹² 微塵故業隨智滅，不覺轉入真如門；
大小僧祇恆沙劫，亦如彈指須臾間。 (《聖教集》九二六頁)
- ¹³ 一入彌陀涅槃國，即得不退證無生。 (《聖教集》九二三頁)
一到彌陀安養國，畢竟逍遙即涅槃。 (《聖教集》九三〇頁)
- ¹⁴ 誓到彌陀安養界，還來穢國度人天；
願我慈悲無際限，長時長劫報慈恩。 (《聖教集》七五九頁)

法照大師十要偈

- ¹ 彼佛因中立弘誓，聞名念我總迎來，
不簡貧窮將富貴，不簡下智與高才，
不簡多聞持淨戒，不簡破戒罪根深，
但使迴心多念佛，能令瓦礫變成金。
- ² 萬行之中爲急要，迅速無過淨土門；
不但本師金口說，十方諸佛共傳證。
- ³ 此界一人念佛名，西方便有一蓮生；
但使一生常不退，此華還到此間迎。
- ⁴ 如來尊號甚分明，十方世界普流行；
但有稱名皆得往，觀音勢至自來迎。

- ⁵ 彌陀本願特超殊，慈悲方便引凡夫；
一切眾生皆度脫，稱名即得罪消除。
- ⁶ 凡夫若得到西方，曠劫塵沙罪消亡；
具六神通得自在，永除老病離無常。
- ⁷ 西方進道勝娑婆，緣無五欲及邪魔；
成佛不勞諸善業，華台端坐念彌陀。
- ⁸ 五濁修行多退轉，不如念佛往西方；
到彼自然成正覺，還來苦海作津梁。
- ⁹ 十惡五逆至愚人，永劫沉淪在六塵；
一念稱得彌陀號，至彼還同法性身。
- ¹⁰ 彌陀寶界不思議，唯嘆娑婆去者稀；
阿鼻地獄人多往，一墮何年更出時。

法然上人二要文

¹ 淨土宗標宗之文（《法全》三頁）：

南無阿彌陀佛，往生之業，念佛為本。

² 淨土宗三選文（《法全》一一二頁）：

欲速離生死，二種勝法中，且擱聖道門，選入淨土門。

欲入淨土門，正雜二行中，且拋諸雜行，選應歸正行。

欲修於正行，正助二業中，猶傍於助業，選應專正定。

正定之業者，即是稱佛名，稱名必得生，依佛本願故。

七、淨土宗祖師解釋本願

(一)《大經》五要文：

¹ 《大經》「第十八願（本願）」之文：

設我得佛，十方眾生，至心信樂，欲生我國，乃至十念，
若不生者，不取正覺；唯除五逆，誹謗正法。（《聖教集》六六頁）

² 《大經》「第十八願成就文」：

諸有眾生，聞其名號，信心歡喜，乃至一念，
至心迴向，願生彼國，即得往生，住不退轉；
唯除五逆，誹謗正法。（《聖教集》九一頁）

³ 《大經》「流通分」之文：

其有得聞彼佛名號，歡喜踴躍乃至一念，
當知此人為得大利，則是具足無上功德。（《聖教集》一三三頁）

⁴ 《大經》「第十八願成就偈」（《聖教集》九六頁）：

其佛本願力，聞名欲往生，皆悉到彼國，自致不退轉。

⁵ 我若成正覺，立名無量壽，眾生聞此號，俱來我剎中；

如佛金色身，妙相悉圓滿，亦以大悲心，利益諸群品。（《莊嚴經》）

(二) 龍樹菩薩「本願取意文」（《聖教集》一八九、一九六頁）：

¹ 若人欲疾至，不退轉地者，應以恭敬心，執持稱名號。

² 阿彌陀佛本願如是：若人念我，稱名自歸，即入必定，得阿耨多羅三藐三菩提；是故常應憶念。

(三) 天親菩薩「本願取意文」（《聖教集》二二三、二二四頁）：

¹ 觀佛本願力，遇無空過者，能令速滿足，功德大寶海。

² 稱彼如來名，如彼如來光明智相，如彼名義，欲如實修行相應故。

(四) 曇鸞大師「本願取意文」(《聖教集》二三〇、三三六頁)：

¹ 易行道者：謂但以信佛因緣，願生淨土，乘佛願力，使得往生彼清淨土；佛力住持，即入大乘正定之聚，正定即是阿毗跋致。

譬如水路，乘船則樂。

² 緣佛願力故，十念念佛，使得往生。

(五) 道綽大師「本願取意文」(《聖教集》四〇八、四〇九頁)：

¹ 若有眾生，縱令一生造惡，臨命終時，十念相續，稱我名字，若不生者，不取正覺。

² 縱使一形造惡，但能繫意專精，常能念佛，一切諸障自然消除，定得往生。

(六) 善導大師「本願取意文」：

(一) 對文增減

¹ 《觀經疏·玄義分》(《聖教集》四八四頁)：

若我得佛，十方眾生，稱我名號，願生我國，下至十念，若不生者，不取正覺。

² 《觀念法門》(《聖教集》八三四頁)：

若我成佛，十方眾生，願生我國，稱我名字，下至十聲，乘我願力，若不生者，不取正覺。

³ 《往生禮讚》(《聖教集》九一五頁)：

若我成佛，十方眾生，稱我名號，下至十聲，若不生者，不取正覺；彼佛今現，在世成佛，當知本誓，重願不虛，眾生稱念，必得往生。

⁴ 《觀經疏·玄義分》(《聖教集》四六六頁)：

一心信樂，求願往生，上盡一形，下收十念，乘佛願力，莫不皆往。

⁵ 《觀經疏·玄義分》(《聖教集》四八三頁)：

但能上盡一形，下至十念，以佛願力，莫不皆往，故名易也。

(二) 總顯其義

¹ 《觀經疏》「唯明專念」之文(《聖教集》六一五頁)：

《無量壽經》四十八願中，唯明專念彌陀名號得生。

² 《往生禮讚》「光號攝化」之文(《聖教集》八五九頁)：

彌陀世尊，本發深重誓願，以光明名號攝化十方，

但使信心求念，上盡一形，下至十聲、一聲等，以佛願力，易得往生。

³ 《觀經疏》「六字釋」之文(《聖教集》四八三頁)：

言「南無」者，即是歸命，亦是發願迴向之義；

言「阿彌陀佛」者，即是其行；以斯義故，必得往生。

⁴ 《觀經疏》「弘願文」(《聖教集》四五九頁)：

言「弘願」者，如《大經》說：

一切善惡凡夫得生者，莫不皆乘阿彌陀佛大願業力為增上緣也。

⁵ 《觀經疏》「要弘廢立」(念觀廢立)之文(《聖教集》七一〇頁)：

雖說定散兩門之益，望佛本願，意在眾生一向專稱彌陀佛名。

⁶ 《觀經疏》「二種深信」之文(《聖教集》六四七頁)：

一者決定深信：自身現是罪惡生死凡夫，曠劫以來常沒常流轉，

無有出離之緣。

二者決定深信：彼阿彌陀佛四十八願，攝受眾生；

無疑無慮，乘彼願力，定得往生。

7 《觀經疏》「不問罪福」之文（《聖教集》六五二頁）：

一切凡夫，不問罪福多少、時節久近，
但能上盡百年，下至一日、七日，
一心專念彌陀名號，定得往生，必無疑也！

8 《觀經疏》「正定業」之文（《聖教集》六五三頁）：

一心專念彌陀名號，行住坐臥，不問時節久近，
念念不捨者，是名正定之業，順彼佛願故。

9 《觀念法門》「造罪迴心」之文（《聖教集》八三九頁）：

一切造罪凡夫，但迴心念阿彌陀佛，願生淨土，
上盡百年，下至七日、一日，十聲、三聲、一聲等，
命欲終時，佛與聖眾自來迎接，即得往生。

10 《往生禮讚》「念佛必生」之文（《聖教集》九一六頁）：

若有眾生稱念阿彌陀佛，若七日及一日，下至十聲，乃至一聲、
一念等，必得往生。

11 《觀念法門》「三輩專念」之文（《聖教集》八三五頁）：

佛說一切眾生根性不同，有上中下，
隨其根性，佛皆勸專念無量壽佛名；
其人命欲終時，佛與聖眾自來迎接，盡得往生。

12 《往生禮讚》「百即百生」之文（《聖教集》八六〇、八六一頁）：

念念相續，畢命為期者，十即十生，百即百生。
何以故？無外雜緣得正念故；與佛本願得相應故；不違教故；
隨順佛語故。
若欲捨專修雜業者，百時稀得一二，千時稀得三五。
但使專意作者，十即十生；修雜不至心者，千中無一。

¹³ 《觀經疏》「念佛延促」之文（《聖教集》六六三頁）：

上盡一形，下至一日、一時、一念等；

或從一念、十念，至一時、一日、一形。

大意者：一發心以後，誓畢此生，無有退轉，唯以淨土為期。